



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### **Usage guidelines**

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### **About Google Book Search**

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

2234  
04.35

HD WIDENER  
  
HW PMIS D

2234.104.35

Harvard College Library



GIFT OF THE  
BRITISH AND FOREIGN  
BIBLE SOCIETY  
LONDON





TAVARA ST. MATT.

A



o Bible, *Matthew*, Távára, (1903)  
MATAIO ANA EVANELIA.

---

THE GOSPEL OF ST. MATTHEW IN TAVARA.

---

LONDON :  
PRINTED FOR THE  
BRITISH AND FOREIGN BIBLE SOCIETY.  
1903.



2234

**Harvard College Library**

Sept. 23, 1910

Gift of the  
**British & Foreign Bible Society**

# MATAIO ANA EVANELIA.

---

## UPUMANA I.

1. IESU Keriso gokana i giruma, Davida natuna, tauna Aberahama natuna.

2. Aberahama i guni Isaako; Isaako i guni Iakobo; Iakobo i guni Iuda ma walewalehina;

3. Iuda i guni Paresa ma Seera Tamara uiahinei; Paresa i guni Esaroma; Esaroma i guni Arama;

4. Arama i guni Aminadabu; Aminadabu i guni Naasona; Naasona i guni Salemona;

5. Salamona i guni Boasa Rahaba uiahinei; Boasa i guni Obeda Ruta uiahinei; Obeda i guni Iese;

6. Iese i guni Davida wasawasa; Davida i guni Solomona Uria agona uiahinei;

7. Solomona i guni Rehoboama; Rehoboama i guni Abia;

8. Abia i guni Asa; Asa i guni Iosapata; Iosapata i guni Iorama; Iorama i guni Osia;

9. Osia i guni Iotama; Iotama i guni Ahasa; Ahasa i guni Hesekia;

10. Hesekia i guni Manase; Manase i guni Amona; Amona i guni Iosia;

11. Iosia i guni Iekonia ma walewalehina; naka hougana apoma hi hewaia ou Babulonia.

12. Hewahewa lawahi amaka hi geleta ou Babulonia; apoma Iekonia tauna i guni Salatielu; Salatielu i guni Serubabela;

13. Serubabela i guni

Abiuda ; Abiuda i guni Eliakima ; Eliakima i guni Asora ;

14. Asora i guni Sadoka ; Sadoka i guni Akima ; Akima i guni Eliuda ;

15. Eliuda i guni Eleasara ; Eleasara i guni Matana ; Matana i guni Iakobo ;

16. Iakobo i guni Iosepa Maria agona uiahinei, Iesu i guni, tauna i wigoaia Keriso.

¶ 17. Geka, hapana magomagouna Aberahama uiahina hi wawara po hi geleta Davida uiahina, nima luaga hi tutu po wohepali naka hapana, po Davida gati uiahina hi wawari po hi geleta Babulonia hi ui hewaia hougana, nimaluaga hi tutu po wohepali naka hapana ; Babulonia hewaia gati uiahina hi wawari po hi geleta Keriso uiahina, nimaluaga hi tutu po wohepali naka hapana.

¶ 18. Mei nokapehe Iesu Keriso hi guni Tauna hinana Maria Iosepa uiahina i bigeni, tauna amaka i galeni tauna i goiba Alugo Woiawa uiahina, tapa eega hi ta megogona.

19. Iosepa gati tauna agona tauna lawana a dewa i dumalu, tauna gati eega i ta

nugonea ina paliwihinimaeia lawa ou nohi, tauna a nugotuhu nugonei ina palihaleni tauna.

20. Tapa tauna i winugohiahiaweni naka ginourina, geka, Guiau a aneru i wogeleteni tauna uiahina a louboni uiahinei, i baha mai, i pa, Iosepa e, Davida natuna, eega una matouta agom Maria inaneiai uiahim, tapa tauna a goiba Alugo Woiawa uiahinei.

21. Tauna apo dewela ina guni olotona, tauna apo una wigoaia gati goana Iesu ; tapa a dobu lawahi apo ina luiawahihi hai apapoe uiahinei.

22. Geka, ginouli magomagouna hi geleta uiahinei, Guiau ponanei ina wogeletea peroveta lawana i baha mai, i pa,

23. Geka guguhini i goiba, ina guniai dewela olotona, tauhi tauna apo hina wigoaia (Emanuela, baha anona ina dedeia, Eaubada tauta uahita).

24. Iosepa i mahili, apoma tauna i dewaia mei Guiau a aneru i paliweleni tauna uiahina, tauna agona tauna i weluaia.

25. Hai luaga ega hi ta eno gogona, apoma tauna i guni natuna olotona toutouogana, tauna i wigoaia gati tauna Iesu.

### UPUMANA 2.

1. IESU hoi Betelehema hi guni hoi Iudea Heroda wasawasa hougana, makoi lawahi uiahinei hi geleta ou Ieruselema tupa kaluapugei hi nei.

2. Tauhi hi baha mai, hi pa, Po melo tauna i guni, Iudea lawahi hai wasawasa? tapa a ubona hoitupa kaluapu to galeni, beinei to nei to mamari tauna uiahina.

3. Heroda wasawasa tauna i nonori, apona tauna i nugo-dupu po ou Ieruselema gati magomagouna meitehi.

4. Apoma tauna i baha po kohena babadahi wotalagaehi magomagouhi, ma geka dobuna tomgiruma lawahi hi nomboina mai, tauna i laubaeada tauhi uiahihi, Keriso melo i guni.

5. Apoma tauhi hi baha mai tauna uiahina, Betelehema hoi Iudea; tapa mei nakapehe peroveta i giruma.

6. Tam gati Betelehema hoi Iudea, apega una keikei wahaga Iudea babadahi uiahihie; tapa tam uiahim taniwaga apo ina guni Isaraela ina woitaniwaganeni.

7. Heroda nugonei makoi i weluinihi, apoma tauna i laupaeada goagoadehi hougana meanai ubona hi galeni.

8. Apoma tauna tauhi i himilihi ou Petelehema, tauna i pa, Taumi onanae, dewela meameana ona beiha dumaea, apo ona nehagaia eaka, ona paliweleu, tau gati apo a nehi a polou tauna uiahina.

9. Tauhi wasawasa uiahina hi lautanigana, apoma tauhi hi nae, geka, ubona hoi tupa kaluapu hi galenameni, tauna i tahatahaea tauhi uiahihi, tauna i nae po i towalo dobuna ou moeana dewela uiahina i mamae.

10. Tauhi ubona hi galeni, apoma tauhi nugonugohi hi gaoha labatana.

11. Tauhi hi lui numa ou hinena; tauhi hi galeni dewela meameana ma Maria tauna hinana, apoma tauhi

eitutuhi i tonehi, po hi polou tauna ouiahina, hai gapola gati hi hoenihi, apoma tauhi tauna hi duadua haleni auro, po lipano potana, po muro potana.

12. Tauhi louboni ouiahina i wogeleteia, eega hina nememe Heroda ouiahina, apoma tauhi tahaea gehounei hi nae hai ou dobu.

¶ 13. Tauhi amaka hi nae, geka, Guiau a aneru i wogeleteni Iosepa ouiahina a louboni, i pa, Una towolo, dewela meameana ma hinana, una weluanihi po ona lowo ou Aikupito, po ona mamae uiahina, eohora apo a baha tam uiahim; tapa Heroda dewela meameana apo ina beiheni tauna ina omnugogeni.

14. Tauna i towolo, dewela ma hinana i weluanihi hoi dipalei; apoma hi nae ou Aikupito.

15. Tauna i mamae uiahina, apoma Heroda i hilage; peroveta a baha ina lougeleteni, Guiau ponanei i pa, Tau natue ou Aikupito a ototugeni.

16. Heroda i hanapugeni

Makoi hi koeakoeameni, apoma tauna i uiona igigai lapatana, po tauna gehouhi i himilihi ou Petelehema logaloga ololotohi hina omnugo pahihhi, po i nae a tigana, tauhi hai polima luaga uiahinei hi wawari hi nae po touhalatubi meitehi, po mei hougana tauna i beibeihehi makoi uiahihi.

17. Apoma Ieremia peroveta lawana a baha mai i wogeleteni, tauna i pa,

18. Ou Rama pona i nonori, touna, po hidahida, ma i otu madada lapatana, Rasela natunatuna tauna i toutougehi, tauna ina woteteli, tauhi amaka egawai.

¶ 19. Heroda i hilage, geka, Guiau a anelu i wogeleteni Iosepa uiahina, hoi louboniei ou Aikupito,

20. Tauna i bahamai, i pa, Una towolo, dewela ma hinana una weluanihi, po onanae hoi dobu Isaraela; tapa amaka hi hilage tauhi hi beiheni dewela meameana hi omnugo.

21. Apoma tauna i towolo, dewela ma hinana i weluanihi,

apoma hi nae hoi dobu Isaraela.

22. Tauna i nonori ou Iudea Arekilao i wiwasawasa tauna amana Heroda i auena i peli, apoma tauna i matouta ina nae uiahina. Ma louboniei i wogeleteni tauna uiahina, apoma tauna i nae ou Galilaia.

23. Tauna amaka i geleta meagai gehouna goana Nasareta, uiahina i mamae, mei peroveta boruhi hai baha hina wogeleteni. Tauna i wigoaia Nasareta.

### UPUMANA 3.

1. NAKA hougana Ioane bapatiso i nei, tauna Iudea ou pitapita eabaeababa i paliwelena nae,

2. Tauna i baha, i pa, Taumi nugonugomi ona buia; tapa eada basileiana amaka a tahi i kuku.

3. Tapa tauna geka Isaia peroveta i bahamai, i pa, Pona gehouna ou pitapita eabaeababa i wogogogeni, Guiau a tahaea ona diuia, tauna ana aniwelawelau ona woimahi.

4. Ioane a gara i luia kamela apalana, tauna ou dagina gamogamo opina i wili; ma a eam madimadi ma touoea pitepitei.

¶ 5. Ierusalem lawahi hi lianae tauna uiahina, po Iudea lawahi magomagouhi, ma Ioridana ou tupona magomagouna;

6. Tauna tauhi i bapatisohi goila Ioridana uiahinei, tauhi hai apapoe amaka hi wogeleteni.

7. Tauna i galeni Parisea lawahi ma Sadukea lawahi magomagouhi hi liamai tauna uiahina ina bapatisohi, apoma tauna i bahanae uiahihi, i pa, Mota woeahiahihi natunatuhi e, eiai i iatatiemi, po a louiogigai muliei ona lowohalea?

8. Taumi, ona ugo ugohi mei nugonugohi hi buia,

9. Eega ona inugohiahia-wa nugonugomie, ona pa, Aberahama tauna tauiai amehiahi; tau a baha mahi taumi uiahimi, Eaubada apo i ta dewaia geka geimahi hina ui lawa po Aberahama natunatu.

10. Geka ilama maeau oubabana amaka i houni; maeau magomagouna apega hina ugo dewadewa, apo ina talahi, po ina haleni maeau alalatana ou tepana.

11. Tau geka, taumi goilei a bapatisomi, po nugonugomi ina buia; ma tauna muligei apo inanei, tauna i loutalagaeu; tau apega tauna an ae kaumaka a ta waia; tauna naka apo taumi ina bapatisomi Alugo Woiawei po maeau alalatanei.

12. Tauna ou nimana ana nimalagogona i wogoia, tauna a sitona upumana ina iara ieuieuia, ma gati tauna a sitona i upumi sitona ou numana, sitona nutanutahi apo ina lahihi maeau ouiahina apega ina bohoia.

¶ 13. Apoma Iesu ou Galilaia i uomahili po i nae ou Ioridana Ioane uiahina, tauna ina bapatisoia.

14. Ioane i talagagali tauna uiahina, i bahamai, i pa, I dewadewa tam unanei una bapatisou, tam u ge wahaga, apo unanei uiahiu heiaha?

15. Ma Iesu i bahanae uiahina, i pa, Keidahi om

dumaduma; tapa tauta ginouri dumaduma magomagouhi hina wogeleteni, apoma tauna i nonori uiahina.

16. Iesu i bapatisoia, tauna goilei i gaeogeleta, apoma tauna i galeni eada amaka i gunahaia, Eaubada Alugona i hopu mai mei atana ou unubolina.

17. Geka, pona gehouna eadei i hopu mai, i pa, Tau natue naka, tau tauna a lounugokaokaohem.

#### UPUMANA 4

1. ALUGO Iesu i weluaia po inieieni ou pitapita eabaababa, Satani tauna i loudadani.

2. Tauna ou pitapita eabaababa i memae didipala oloto luaga hi hilage, ma ietai oloto luaga hi hilage, apoma tauna i am hilage.

3. Apoma touloudadani uiahina i geleta i bahamai, i pa, Apo moina tam Eaubada Natuna, una bahanae geka geimahi hina lei aretohi.

4. Tauna i bahanae uiahina, i pa, Amaka i giruma, Apega hoi eaniani e awa lawa

ina luiagohana, tamoki baha magomagouna Eaubada uiahinei i baha hopu mai.

5. Apoma Satani tauna i weluaia po ineieni meagai woiawa uiahina, numa dalapu ou moeana i witowolo,

6. Apoma tauna i bahamai uiahina, i pa, Apo moina tam Eaubada Natuna, una lupa hopu ou tano, tapa amaka i giruma, Tauna aneruhi i touligoligohi, tam oubeugei, tauhi nima eabaeabahiei hin woiteateanem aem hoi gaima apega hina lapateni.

7. Iesu i bahanea uiahina, Amaka i giruma, Guiau om Eaubadaapegaunaloudadani.

8. Apoma Satani tauna ineienameni oea ige wahaga, tauna heipuli basileiahi hai dewadewa i laiatatieni,

9. Tauna i bahamai uiahina, i pa, tam apo una guri ma una polou tau uiahiu, geke ginouri magomagouna apo a welem.

10. Apoma Iesu i bahanae uiahina, Satani e, unanae ouheia; amaka i giruma, Guiau om Eaubada uiahina una polou, tounawana una pouleni.

11. Apoma Satani tauna inehaleni, geke gati, aneruhi hi nei uiahina hi pouleni.

¶ 12. Iesu i nonori Ioane hoi numa pani i luia, apoma tauna i nae ou Galilaia,

13. Tauna Nasereta inehaleni, po i nae ou Kepere-nauma uiahina i memae ou niha, Sepulona ma Napatali ou tigana.

14. Isaia peroveta a baha ina wogeleteni, i pa,

15. Hoi Sebulona dobuna, ma Napatali dobuna, hoi boga tahaeana Ioridana ou lialiana, po dobu geke Galilaiana,

16. Dobuna hoi ugua hi mamae, apoma eaeada baneina tauhi hi galeni, tauhi dobu hi mamae ma hilage hi aloni, apoma eaeada i geleta uiahihi.

¶ 17. Apoma Iesu i paliwelenawawara, tauna i bahanae, i pa, Taumi nugonugomi ona buia, eada basileiana amaka a tahi i kuku.

18. Iesu i nae Galilaia ou labenei, apoma walehina hai luaga tauna i galehi, Simona i wigoaia Petero ma walehina Anederea, tauhi ou



goila hai hagida hi telena, tapa touebaga lawahi.

19. Apoma tauna i bahanae tauhi uiahihi, Ona imulitagou, tau omi luaga lawa hota uiahihi apo a wiebaebagami.

20. Apoma hai hagida hine halea, tauna mulinei hi nae.

21. Naka dobuna tauna ine halea, apoma walehina gehouna hai luaga tauna i galehi, Iakobo Sebedaio natuna, ma tauna walehina Ioane, hoi wam amahi Sebedaio meitehi, hai hagida he teiteibi, tauna hai luaga i otugehi.

22. Apoma hai luaga wam hine halea ma amahi gati, tauna mulinei hi nae.

¶ 23. Iesu Galilaia dobu magomagouna ine wiwilanae, hai ou sunago tauna iatatiehi, basileia tuega dewadewana tauna i paliwelena, totogo lawahi magomagouhi tauna i luiawahihhi, naka dobuna totogohi weiuahi magomagouhi.

24. Tauna tuegana i nae Turia ou tupohi i geleta, apo-

ma tauhi totogo lawahi magomagouhi hi tamihi po hi neiieni tauna uiahina, tauhi totogo geha, ma totogo geha, gehouhi hi wiuu wahaga, gehouhi demoni hi luia, gehouhi hi hawalele, gehouhi hi matabili wogohi, apoma tauna i luiawahihhi.

25. Galilaia patalahi, apoma hi wimulitagouia, ma Tekapoli, ma Ierusalem, ma Iudea, ma Ioridana noka-heme gati.

#### UPUMANA 5.

1. TAUNA patala i galehi, apoma tauna i gae ou oea; po i memae, apoma tauna ana aniatatiana lawahi hi nei uiahina;

2. Tauna i bahanae, ma, iatatiehi tauhi uiahihi, i pa,

3. Hi dewadewa tounugohegoea lawahi; tapa eada basileiana apo hina waia.

4. Hi dewadewa tounugolougo lawahi; tauhi apo ina palilounugohegoehi.

5. Hi dewadewa touhinihegoea lawahi; naka dobuna apo hina taniwageni.

6. Hi dewadewa tauhi

am eahi tuia ma uma eahi tuia dewa dumalu uiahina ; tauhi apo hinamhiougo.

7. Hi dewadewa toulounugototogo lawahi ; apo hina lounugototogogehi gati.

8. Hi dewadewa tauhi nugunogohi hi lougigilihi ; tauhi Eaubada apo hina galeni.

9. Hi dewadewa tompaliagota lawahi ; apo ina baheni Eaubada natunatuna tauhi.

10. Hi dewadewa tauhi dewa dumalu beinei hi louhinidodorehi ; tapa eada basi-leiana apo hina waia.

11. Hi dewadewa taumi apo hina paliapapoemi, po hina louhinidodoremi, po baha apapoe magomagounei tauhi hineigou eababami tau peugei.

12. Taumi guaumiinaeala po ona kaoha ; tapa hoi eada omi meiha baneina ; tapa mei nakapehe peroveta hiiei tahaea taumi uiahimi, tauhi hi louhinidodorehi.

¶ 13. Taumi heipuli nihana taumi, apo nihana ina gougau, ginouri eigohiei apo ina tougolaea ? apega ginouri gehei ina dewadewameni, apo

ina halena hopuneni ou tano po lawa hina tutani.

14. Taumi, heipuli eae-adana taumi, meagai oea ou tepana, apega ina lougoadea.

15. Tauhi lamepa apega hina louelea, po sitona aniluna ou gaboulina hina houni, apo ina houni lamepa anihounana ou tepana, tauhi ou numana hina eaeada pahihi.

16. Mei makapehe, taumi omi eaeada ina lougeletea lawa magomagouhi ou nohi, taumi omi dewa dewadewahi, tauhi hina galeni, Amami hoi eada apoma tauhi hina mami.

¶ 17. Taumi nugonugomi eega ona pa, tau a nei lougagaeo a hoea, po peroveta boruhi ; tau a nei apega a hoea, ma ina wogeletea.

18. Moina, tau taumi uiahimi a baha mahi, eada po heipuli apo hina eababa, ma iota po giruma tupona hoi lougagaeo apega ina eababa, ginouri magomagouna hina lougeletehi.

19. Geka, lawa geha ligoligo habuluna emoti ina hoea, geka ligoligohiei, po

gekapehe lawahi ina iatatiehi, tauna apo hina baheni, i kei-kei hoi eada basileiana, ma lawa geha ina i hinibigaia po ina iatatenameni, tauna apo ina baheni, i wotalagae hoi eada basileiana.

20. Tau taumi uiahimi a baha mahi, taumi omi dewa dumalu apega ina wotalagae, tomgiruma lawahi, po parisea lawahi hai dewa dumalu uiahinei, taumi apega ona geleta eada basileia ouiahina.

21. Taumi o nonori, lawa odubohi ouiahihi i baha mai, lawa eega una omnugo; lawa apo ina omnugo eaka, tauna a meiha uiahina apo ina mamae libahibahi ietana.

22. Tau taumi uiahimi a baha mahi, lawa geha tauna walehina apo ina hinidodoren i eababaia, tauna a meiha uiahina, apo ina memae libahibahi ou ietana, lawa gehouna gati tauna ina baha walehina uiahina, i pa, Raka tauna a meiha uiahina apo ina memae hoi ataatalai, lawa geha gati ina baha ina pa, Bua lawana e, tauna a meiha uiahina apo ina memae hoi Kena maeaua uiahina.

23. Apo om witalaguiaba una houni pata ani witalaguiaba anihounana, ouiahina apoma nugomuei i gae ginourina beinei walehim i lounidodorem,

24. Tam om witalaguiaba, una houni naka dohuna, anihounana ou nona, ma tam unanae walehim meitehi ona iei-winuma, apoma unanei om witalaguiaba una welea.

25. Tam unanae tulam una paliwelenameni tauna a ginouri u waea beinei i hidahida, i dewadewa tam ma tauna omi lugo hoi tahaea, tauna i hidahida a ginouri beinei, apo ina welowinim po ina neieni toulibahibahi uiahina, apoma toulibahibahi gati ina neiem a toupoula lawana uiahina, apoma hina neiem hoi numa pani ouiahina.

26. Moina, tau taumi ouiahimi a baha mahi, apega una hopu meme, iohola mone magomagouna ura welea pahi apoma.

27. Taumi o nonori, lawa odubohi ouiahili hi bahamai, Ega una wihora.

28. Tau gati tauwi uia-  
himi a baha mahi, lawa geha  
wawine i galeni po i nugo-  
nea, tauna amaka i wihora  
meitehi nugonugonei.

29. Tam mata hinebawam  
ina loudubalim eaka, una  
mohi haleni, i dewadewa  
hinim tupona gehouna una  
palihaleni po ina eababa, i  
apapoe hinim atapuna hoi  
kena ina dubalim.

30. Tam nima hineba-  
wam ina loudubalim eaka,  
una boli haleni, i dewadewa  
hinim tupona gehouna una  
palihaleni po ina eababa, i  
apapoe hinim atapuna hoi  
kena ina dubalim ;

31. Baha gehouna i ba-  
hamai, i pa, lawa geha agona  
ina weihuru eaka, weihuru  
girumana una weleni.

32. Tau gati taumi uia-  
himi a baha mahi, lawa geha  
agona ina weihuruia, eega i  
ta wihora eaka, naka lawana  
i wiapapoea ; lawa geha gati  
wawinena inanae uiahina ina  
lawagi, tauna gati amaka i  
wihora.

33. ¶ Taumi o nonori,  
lawa odubohi ouiahihi i baha-

mai, Eega una wiguala koea-  
koeama, naka ginoulina wigu-  
aleni Guiiau una weleni.

34. Tau gati taumi uia-  
himi a baha mahi, Eega una  
wiguala, ega una wiguala hoi  
eada ; tapa Eaubada ana  
animae naka ;

35. Po hoi heipuli gati,  
tapa tauna aena ana anitu-  
gona ; po Ierusalem, tapa  
wasawasa wotalagae a meagai  
naka.

36. Ununum apega una  
wigualeni, tapa apalam emoti,  
apega una lei wakekeia, po  
lei didipalena.

37. Taumi ona pa, E, E,  
Eega, Eega ; tapa baha geha  
i lagoni naka baha uiahihi,  
tauna apapoe bahana.

38. Taumi o nonori, i  
bahamai i pa, Mata, mata  
meihana, niuwo, niuwo mei-  
hana,

39. Tau taumi uiahimi a  
baha mahi, apapoe meihana  
ega una weleni, tapa lawa  
imori hinebawam ina launi,  
ma tam una mewila imorim  
gehouna ina launi.

40. Lawa geha apo tam  
ina igamogahiem po tam om

gara ina halom, tam gati om lului baneina una weleni.

41. Lawa geha tam apo ina i kikimem meitehi onanae maila emoti, omi luaga meitehi onanae maila luaga.

42. Lawa geha ginouri ina laupaliem eaka, una weleni, tauna tam mone ina baliidaidaka mahi, apega una lou-uputeni.

43. Taumi o nonori, i bahamai i pa, Tam om matagabana lawana una woimahieni, tam touhinidodolem lawana una nugohaleni gati.

44. Tau geka taumi uiahi mi a baha mahi, Tauhi taumi hina Kahēmi, tauhi ona woimahiehi, tauhi taumi hei apapoenimi, ona lapinihi, touhinidodoremi gati, ona woimahiehi, tauhi hei goumi ma hinidodoremi, hai laupali ona laupali ;

45. Naka taumi Amami hoi eada ina uinatunemi, tauna a kabudala apapoe lawahi po dewadewa lawahi ina wiloudilaia, tauna a kadiwewe dewa dumalu lawahi, po dewa apapoe lawahi ina wiatunehi.

46. Taumi touwoimahi-

emi lawahi, ona woimahiehi, meihana awai apo ona waia? telona lawahi nakatouhe eega hi ta dewaia heiaha?

47. Taumi walewalehimi touhiawa, apo ona woiwoimahienamehi, meka dewadewa o dewaia? telona lawahi nakatouhe eega i ta dewaia heiaha?

48. Geka, taumi dewa dewadewana ona dewaia, mei taumi Amami hoi eada, tauna dewa dewadewana i dewaia.

## UPUMANA 6.

1. TAUMI omi ombenena, eega lawa ou nohi ona welehi, po tauhi hina galeni; apo nakapehe, Amami hoi eada, apega omi meiha ina welemi.

2. Geka, om animbenena una weleni, himoko ou nom apega una huena, mei koeakoeama lawahi hoi sunago po hoi tahaea hi dewaia, po tauhi lawahi hina iahonehi. Moina, tau taumi uiahi mi a baha mahi, tauhi hai meiha amaka hi tuhaga-ia.

3. Apo om animbenena una weleni eaka, tam nima

kehakeham apega ina galeni, ginouri nima hinebawam i dewaia ;

4. Om animbenena una goadi, Amami gati, ginouri i goada amaka i galeni, tauna meiham amodewedewei ina welem.

¶ 5. Tam apo una laupali, tam eega mei koeakoe-ama lawahi, tapa tauhi hoi sunago ma hoi tahaea wilaga hi towolo ma hi laupali, po lawa tauhi hina galehi, Moina, tau taumi uiahimi a baha mahi, tauhi hai meiha amaka hi tuhagaia.

6. Tam gati, apo una laupali eaka, una lui om papanoea uiahina ma una gu-duia, apoma una laupali Amam ana animegoada uiahina, Amam gati hoi animegoada i gagalem, tam meiham amodewedewei apo ina weleni.

7. Taumi apo ona laupali, taumi omi baha eega ona bahebaheni gawada, mei dobu tapuhi; tauhi mago-magouhi hi pa, tauhi hai baha hi maga eaka beinei tauna i nonorihi.

8. Geka, taumi eega mei  
TAVARA ST. MATT.

tauhi, taumi Amami amaka i galemi, taumi ega omi ginouri; tapa taumi eohora eega o ta laupali tauna uiahina.

9. Geka, mei gekapehe ona laupali, Ameiai, no eada goam ina wiwoiawaeni.

10. Tam om basileia ina neiai. Tam ponam hoi heipuli ina dewaimahieni, mei no eada.

11. Aniani dewadewana ataima una beneiai.

12. Ei apapoe tam una paligigiri, mei tauiai gati, tauhi hei apapoeiai hai apapoe to paligigiri.

13. Loudadani uiahina apega una weluiniai, apapoe tam una wiluiagohanaiaia. Tapa tam om basileia, po manini, po om dewadewa, hina mamae tuetueinai, Amene.

14. Taumi lawa hai apapoe apo ona paligigiri, taumi gati omi apapoe Amami hoi eada apo ina paligigiri.

15. Ma taumi lawahi hai apapoe apega ona paligigiri eaka, taumi omi apapoe gati Amami hoi eada apega ina paligigiri.

¶ 16. Taumi apo ona  
B

hudi, taumi matami eega hina nugolougo mei koeama lawahi; tauhi matahi he ligo-puia, lawa magomagouhi hina galehi, apo hina pa, hi hudi, Moina, tau taumi uiahimi a baha mahi, tauhi hai meiha amaka hi tuhagaia.

17. Tam, apo una hudi apalam una wagatuia, ma matam una ogaia;

18. Lawa magomagouhi apega hina galem tam u hudi, Amam ana ouanimegoada tounawa i galem; Amam gati hoi animegoada i gagalem, tam meiham amodewedewei apo ina welem.

¶ 19. Taumi omi gapora eega ona upuma hau heipuli, diwidiwi po gopu hina liababahi; ma gati toudanene lawahi apo hina halaia po hina danenea.

20. Taumi eada gaporahi tamoki ona upumi ega diwidiwi po gopu hina liababahi, ma gati apega toudanene lawahi hina halaia, po hina daneneia.

21. Tapa dobuna omi gapora hi upumi, taumi gati magomagoumi nugonugomi atapuna uiahina.

22. Hini lamepana, mata; apo matam ina dewadewa eaka, hinim magomagouna apo ina eaeahi.

23. Apo matam ina apapoe eaka, hinim magomagouna hina uguhi. Geka, apo eaeahi tam nugonugom ou hinena ina ugua eaka, ugua baneina uiahina, ina loutataia.

24. Apega lawa geha bada luaga ina i pouleni; gehouna tauna ina i hinikeikeieni, ma gehouna ina woi-mahieni, ma gati, tauna gehouna ina melapini, ma gehouna ina nuaguguleni. Taumi Eaubada apega ona wipouleni po Mamone gati meitehi.

25. Beinei tau taumi uiahimi a baha mahi, taumi omi luiagohana eega ona ihinibi-geia, hoi aniam, po hoi aniuma, po taumi hinimi anipuluna. Luiagohana apega ina wotalagae aniani uiahinei ma gati hini hoi gara heiaha?

26. Taumi kiu lupalupahi ona galeni; tauhi eega sitona hi ta laihori, po hi ta boli, po sitona onunumana hi ta upumi. Amami hoi eada tauna ina

ianihi. Taumi omi dewa-dewa eega i ta wotalagae tauhi uiahihi heiaha?

27. Taumi apo eiai ina dewaia tauna a uihinibigei a houga ina i lataia, po ina dao mei kubita emoti heiaha?

28. Taumi awai beinei lului o wipapaleni heiaha? Taumi gawagawa pitepitei ona nugohiahiaweni i owaka i lahaia, tauhi ega hi ta wotobagibagi, po hi ta nogoia gati;

29. Tau taumi uiahimi a baha mahi, Solomona a lou-hogala wahaga, tauna ega lului i ta luia mei ginourihi naka.

30. Apo nakapehe Eau-bada dobu maeouhi ina wiluia, ou tanima hi ta gegae, apo hau malatom hina haleni paea ouiauenta; taumi eega hi ta wotalagaemi, apo i ta wiluini o nugouogo keikei nawa heiaha?

31. Geka, taumi apega ona goholi, po ona pa, Aniani awai apo ta mam, ma gati, awai apo ta noumaia, ma gati, ginouri awai apo ta luia heiaha?

32. Naka ginouri magomagouna dobu tapuhi hi beihahi. Amami hoi eada amaka i galeni, naka ginourihi magomagouna taumi uiahimi hi dewadewa.

33. Taumi Eaubada a basileia ma a dewa dumalu ona iei beiheni; apoma naka ginouri magomagouna ina weleni taumi uiahimi.

34. Geka, taumi haumalatom ietai eega ona i pāpāleni; tapa haumalatom ietai a ginouri inai papaleni. Ietai eamoha ana apapoe.

#### UPUMANA 7.

1. TAUMI apega ona libahibahinae, ma taumi apo hina libahibahimi.

2. Tapa libahibahina apo ona libahibahinae, taumi gati apo hina libahibahimi; lua gati taumi oeamluanae, taumi gati apo hina luami.

3. Awaka walehim mata-na maeau imemena u galea, ma tam eega u ta hanapugeni matam wipale uiahina e mamea heiaha?

4. Tam walehim i owaka u baha uiahina, u pa,



Unanei, matam imemena a tupa halea ; nanaka gati, ou matam wipale e mamae heiaha ?

5. Tam u koeama, tam wipale una iei halea wipale matam uiahina, apoma una galenaimahieni walehim matana maeau imemena una tupa halea.

6. Taumi ginouri woiawa apega ona halea kedewa uiahina, ma gati omi penina apega ona wihuruia poro ou nohi, tauhi aehi ei apo hina tutani, apo hina louhagauilehi, po taumi hina talahigihahami.

7. Taumi ona laupali, apoma ina benemi, taumi ona beiheni ; apoma ona tuhagaia ; taumi ona laulauni ; apoma taumi uiahimi ina hoea.

8. Apo lawa geha ina laupali, tauna apo ina tuhagaia ; lawa gati ina beiheni ; tauna apo ina galeni ; lawa geha e laulauni, apo ina hoea uiahina.

9. Eiai lawa geha taumi uiahimi natuna apo -areto tauna ina laupalieni, tauna gaima apo ina weleni heiaha ?

10. Apo iana ina laupalieni gati, mota tauna uiahina ina weleni heiaha ?

11. Geka, taumi o apapoe, taumi amaka o hanapugeni natunatumi ginouri dewadewana o welehi, taumi Amami hoi eada ginouri dewadewahi apega lawa hi laupalieni i ta welehi heiaha ?

12. Ginouri magomagouna taumi o nugonea lawa hina dewaia taumi uiahimi, mei nakapehe tauhi uiahihi ona dewaia naka lougagaeo po peroveta hai baha.

¶ 13. Taumi mateta tinatinana uiahina ona lui ; tapa mateta baneina, po tahaea eawaeawatana i nae hilage tuetueinai uiahina, lawa magomagouhi gati uiahina hi nae.

14. Tapa mateta tinatinana, po tahaea keikeina i geleta hau luiagohana tuetueinai uiahina, ouiahina lawa eega hi ta maga hi tuhagaia.

15. Taumi ma peroveta koeakoeama, tauhi hi nei taumi uiahimi, ma hai luilui mei mamoe, tauhi ou nungonugohi mei lugo woëahiahihi tauhi.

16. Taumi tauhi ughieie apo ona hanapugehi. Apo lawahi vine pulina hina lohi maeau waidonadonahi uia-hina, po keiaha ugonā maeau waidonadonahi uiahina heiaha?

17. Nakapehe maeau dewadewahi hi ugo eamoha ana ugonā dewadewana; ma maeau apapoehi he ugo, ugonā apapoehi.

18. Apega maeau dewadewana ina ugo apapoe, maeau apapoe gati apega ina ugo dewadewa.

19. Maeau magomagouhi apega hina ugo dewadewa, apo hina talahi po hina halehi maeau alalatana uiahina.

20. Nakapehe gati taumi tauhi ughieie ona hanapugeni.

¶ 21. Lawa magomago- uhi apega hina geleta ana ou basileia hoi eada, tauhi hi bahamai uiahiu, hi pa, Guiau e, Guiau e, tamoki lawa geha Amau hoi eada ponana tou- dewaimahieni tounawana.

22. Tauhi magomagouhi naka hougana hi bahamai uiahiu, hi pa, Guiau e, Guiau goamgei tauiai eega to ta i

palewelena heiaha? goamgei gati demoni to wiagahi, tam goamgei dewa manini to dewaia heiaha?

23. Apoma a bahehi tauhi ouiahihi Tau taumi eega a ta galemi; taumi onanae ouheia, taumi omi dewa i apapoe eaka.

¶ 24. Geka, lawa geha ou baha ina nonori, ma tauna ina dewaia, tau a baha tauna mei lawa hanapu, tauna a numa tapatapana ou tepana i wogoia;

25. Kadiwewe hi hopu, po goila gati i hopu, po togoa i togo mai, hoi numa hi ato; ma numa egi ta guri, tapa hoi tapatapana uiahina i wogoia eaka.

26. Lawa geha geka ou baha ina nonori ma egi ta dewaia, tau a baha tauna mei lawa bua, tauna a numa pupu ou tepana i wogoia;

27. Kadiwewe hi hopu, po goila hi hopu, po togoa i togo mai, hoi numa hi ato, apoma i guri po ilaupupulena pahi.

28. Iesu bahana i baheni woloe, apoma patala baneina ponana himhuneni.

29. Tapa tauna tauhi i iatatiehi mei taniwagana, eega mei tomgiruma lawahi.

### UPUMANA 8.

1. TAUNA oei i hopu mai, apoma patala baneina tauna mulinei hi nae.

2. Geka, lepera lawana i nei, amaka i polou tauna uiahina, po i pa, Guiau e, tam nugom ina waia eaka tau una liieuiou.

3. Apoma Iesu nimana i wodaeaka nae, po i woda-dani, po tauna i pa, tau nugou i waia, tam una ieuieiu. Apoma a lepera i ababa tauna amaka ieuieiu.

4. Iesu tauna i bahanae tauna uiahina, Tam lawa geha eega una paliwelena; tam unanae, kohena lawana una paliwelena, ma ombene-na mei Mose i ligoligo una weleni, tauhi hai wekiweki-lalana.

¶ 5. Iesu Keperenauma i geleta, ma lawa oloto nimitutu hi hilage hai bada i nei tauna uiahina, i laupali po ikikimana,

6. I bahamai, i pa, Guiau

e, tau ou toupoula lawana amaka i totogo, po matabili i huluja, tauna ou numa eneno, ma hinina i wiua duma.

7. Iesu i bahanae tauna uiahina, i pa, Tau apo anehi, po tauna apo a luiawahi.

8. Lawa oloto nimitutu hi hilage hai bada i bahamai, i pa, Guiau e, tau eega a ta dewadewa tau ou numa eega una geleta; tau baha e awa una baheni, tau ou toupoula lawana apoma ina luiagohana.

9. Ma tau gati, lawa geha i taniwaganeu gauia gati lawahi hai taniwaga tau, a baha gehouna ina nae, po enae, ma gehouna inanei, ma enei, ma tau ou toupoula lawana ouiahina apa Ge ginouri una dewaia, tauna amaka i dewaia.

10. Iesu amaka i nonori, apoma i goholi, tauna tauhi mulinei hi nae, ouiahihi i bahanae i pa, Moina, tau taumi uiahimi a baha mahi, tounonora labatana nokapehe tau hau Isaraela eega a ta nehagaia.

11. Tau taumi uiahimi a baha mahi, patala baneina hi geletai tupa kaluabu, po tupa ealasiu tauhi Aberahamo, ma

Isaako, ma Iakobo meitehi eada ou basileiana apo hinam gogona ;

12. Ma basileia lawahi, tauhi ugua ouputahi apo hina dubalahopunehi, nakahoti apo hina toutou, ma niuwoduduhi hina am hanakidiana.

13. Iesu i bahanae lawa oloto nimitutu hi hilage hai bada ouiahina, Unanae, tam ū nonora, pehe apo ina dewaia uiahim. Apoma tauna a toupoula lawana ietai tupona i luiagohanameni.

¶ 14. Iesu Petero a numa ou hinena i hau geleta, Petero pohiana i totogo po i hiniealaealaga tauna i galeni.

15. Tauna nimana wawinena i wodadani, ma hiniealaealaga amaka i ababa, apoma tauna i towolo, tauhi i poulena neiehi.

16. Ubigei, alugo apapoe touluinina lawahi hai tou maga ; tauhi tauna uiahina hi nei hinimai, apoma tauna a baha alugo apapoehi ou putahi i wiagahi, totogo lawahi magomagouhi tauna i luiawahii.

17. Isaia peroveta a baha

i lougeletea i bahamai, i pa, Tauta i ta tapia tauna tounawana i waia, ma tauta i ta totogo tauna tounawana i waia.

¶ 18. Iesu amaka i galeni patala baneina, tauna hi toworo wiwileni, apoma tauna i bahanae, po, hinanae noka-heme.

19. Tomgiruma lawana gehouna amaka i nei, tauna i bahamai uiahina, i pa Touiatatiana lawana e, tam om nae magomagouna apo a wimulitagom.

20. Iesu i bahanae tauna uiahina i pa, Alope hai ou goula he mamae po kiu lupa-lupa hai ou uramana he mamae ; ma lawa Natuna eega ana anieno.

21. Ana aniatatiana lawana gehouna, tauna i bahamai uiahina, i pa, Guiau e, tam tau una palihaleu, tau a iei nae tau amau a gului.

22. Iesu i bahanae tauna uiahina i pa, Tau una imulitagou, ina memae tauhi po poea lawahi hai po poea apo hina gului.

¶ 23. Tauna hoi wam i

geru ma ana aniatatiana lawahi hi wimulitagoa.

24. Geka, buibui baneina i geleta, boga uiahina hi huluhi, apoma guriguri hoi wam i higuhihu geleteni, ma tauna amaka i eno.

25. Apoma ana aniatatiana lawahi uiahina hi nei, tauna hi limamahi, tauhi hi pa, Guiaua e, tam tauiai una luiawahiai, tauiai apo to hilage.

26. Tauna tauhi uiahihi i bahanae, i pa, Taumi awaka o matouta, taumi omi nonora hi keikei heiaha? Tauna amaka i toworo togoa po guriguri uiahihi i bahanae, i pa, amaka una doumori, apoma togoa po guriguri amaka hi doumori.

27. Lawa hi goholihi tauhi hi pa, Geka Guiauna i loutalagae wahaga! togoa ma guriguri a baha hi nonori.

¶ 28. Tauna ou tupona i geleta Gerekesa ou heipulina, apoma lawa luaga demoni hi luinihi, tauna i nehagahi tauhi kokoagei hi nei, tauhi hi gadidiri wahaga lawa geha naka tahaeane i apega ina nae.

29. Geka gati, tauhi hi

ototu, hi pa, Tam i owaka apo una deweia, Iesu e, Eau-bada Natuna? tam u nei kahoti, tauiai apo una tapei-hilageneiai, eohora a houga egi ta geleta heiaha?

30. Tauhi poro boruhi baneina ouheiei hi panipani nae.

31. Demoni tauhi tauna hi laupalieni, hi bahamai hi pa, Tam tauiai una iageiai ou puta, tam una palihaleiai, geka poro boruna ouiahina apo to lui.

32. Tauna i bahanae tauhi uiahihi. Taumi onanae. Apoma tauhi ou puta hi hopu, po poro boruna uiahihi hi luia, geka gati, apoma poro borunana goila ou gubalana hi lowo galili, topa ou hinena hi harere.

33. Poro touianihia amaka hi lowo geleta ou meagai, po ginouri magomagouhi hi babaniehi, ma demoni toulunihi lawahi ginourina hi lougeleteni.

34. Geka gati, meagai lawahi magomagouhi hi lia mai Iesu uiahina, tauhi tauna hi galeni, apoma tauhi tauna hi laupalieni tauna hai ou dobu ina nehaleni.

## UPUMANA 9.

1. TAUNA hoi wam i geru, po i damana ou tupona gehouna, apoma i geleta ana ou meagai dumana uiahina.

2. Geka gati, tauhi lawa matabili i wogoia hi nei i tauna uiahina, hoi niganigara i eneno; Iesu tauhi hai aninugowogo amaka i hanapugeni, apoma a matabili uiahina i bahanae, Natue, nugonugom ina gadidiri, om apapoe amaka a paligigiri.

3. Geka gati, tomgiruma lawahi gehouhi tauhi hi nugohiahiawa, Geka lawana Eaubada i apapoi tauna ponanei.

4. Iesu tauna i nugotuhuhagahi tauhi i nugohiahiawa, eaka tauna i bahanae i pa, Awai beinei taumi nugotuhu apapoe oi nugohiahiaweni nugonugomie?

5. Meka baha teateana? po ina pa, Tam om apapoe amaka a paligigiri; po ina pa, Tam una toworo, po unanae?

6. Eaka taumi ona hanapugeni, lawa Natuna ou heipuli a manininei apapoe i

paligigiri (tauna i bahanae matabilina uiahina). Tam una toworo om niganigara una awara, ma unanae om ou numa.

7. Apoma tauna i toworo, amaka i nae ana ou numa.

8. Patala amaka hi galeni, apoma i goholihi; tauhi Eaubada hi mamari, tauna manini hoi lawa i benehi.

¶ 9. Iesu geka dobuna ine haleni, apoma tauna lawa i nehagaia telona ou iawehi i tugula, tauna goana Mataio; tauna i bahanae uiahina. Una imulitagou: Apoma tauna i toworo, po tauna imulitagoi.

10. Tauna hoi numa i loutetera po i mam, geka gati, telona lawahi, ma apapoe lawahi tauhi hi nei, Iesu ma ana aniatatiana lawahi meitehi hi loutetera po hi mam.

11. Parisea lawahi hi galeni, eaka tauhi hi baha ana aniatatiana lawahi uiahihi, hi pa, I owaka taumi omi Touiatatiana telona lawahi po apapoe lawahi meitehi hi mam?

12. Iesu i nonori, apoma i bahanae tauhi uiahihi, Toura lawana apega hini hegohegoa lawahi ina urahi, totogo lawahi tamoki.

13. Taumi onanae, geka baha anona ona beiheni, Lounugototogo nugou i waia, ma om benena apega a nugonea; tau ega a ta nei dewa dumalu lawahi a otugehi, apapoe lawahi tamoki nugogohi hina buia.

¶ 14. Ioane ana aniata-tiana lawahi tauhi hi nei uiahina. I owaka tauiai ma Parisea lawahi to hudihudi gawata, ma tam om aniata-tiana lawahi awaka eega hi ta hudi?

15. Iesu i bahanae tauhi uiahihi, Toutawine wouwou lawana a heliheliam meitehi he megogona, tauhi apo hina hudi heiaha? Hougana apo ina nei toutawine wouwou lawana tauhi tauna ina nehaleni, apoma geka hougana tauhi hina hudi.

16. Apega lawa geha lui-lui odubona gara wounei i nombalugeni; tapa hoi balu uiahina ina loloia, po ina loloia wahaga.

17. Apega uaina wouna ile waiopina odubonei ina wikwakwaleni; nakatouke ina dewaia, apoma ile waiopina hina gunaialapola, apoma uaina ina welau, po ile waiopina gati apo hina apapoe; uaina wouna ile waiopina wounei hina wikwakwaleni, apoma hina dewadewa.

¶ 18. Tauna naka bahana tauhi uiahihi i baha woloe, geka, bada gehouna i nei, tauna i polou uiahina, po i bahamai i pa, Natue wawinena ou taima i hilage, tam unanae po nimam tauna ou tepana una wogonae, tauna ina lui-agohana.

19. Apoma Iesu i toworo, tauna ma ana aniatatiana lawahi mulinei hi nae.

¶ 20. Geka gati, wawine gehouna i totogo po tāla i memehaleni a bolima nima luaga hi tutu po luaga, tauna Iesu ou mulinei i nae, tauna ana ou gara i wodageni;

21. Tauna nugonei i pa, tau ana ou gara a wodageni, apoma a luiagohana.

22. Iesu i louhagauila, po tauna amaka i galeni, apoma tauna i bahanae,

Natue wawine e, tam nugonugom ina gadidiri, om nonorei u luiagohana, apoma wawine naka ietana tupōna i luiagohana.

23. Iesu badana ana ou numa i geleta, tauna dilehu touhuenihi patala hi hidahida tauna i galehi,

24. Tauna tauhi uiahihi i bahanae, Onanae ouheia; wawinena egi ta hilage, tauna i eneno hota. Apoma tauhi tauna hi malimaliweni.

25. Tauna patala i wiagahi, apoma tauna i geleta, tauna wawinena nimana i wogoia, apoma wawinena i towolo.

26. Apoma geka tuegana naka dobuna meageihi hi nonori pahi.

¶ 27. Iesu geka dobuna inehaleni, apoma matakeke lawahi luaga mulinei hi nae, po hi ototu, hi pa, Davida natuna una lounugototogeiai.

28. Tauna numa ou hinena i geleta, matakeke lawahi hi nei tauna uiahina, Iesu tauhi uiahihi i bahanae, Taumi omi luaga o witoumaganeru, po tau a luiawahimi

heiaha? Hai luaga hi bahamai tauna uiahina, Bo, Guiau e,

29. Apoma tauna tauhi matahi i wodadani, po i pa, Taumi omi nonorei nakapehe i dewami.

30. Apoma matahi hi kaea. Apoma Iesu i baha ai mahi hai lugo uiahihi, i pa, Taumi omi luaga, eega lawa geha ona i benabenameni.

31. Ma tauhi amaka hi nae, naka dobuna hi paliwelena nae.

¶ 32. Tauhi amaka hi nae, geka, nuagau lawana tauhi hi weluaia, po hi neiai tauna uiahina, tauna gati demoni i luia.

33. Demoni amaka i wiagahi, apoma nuagau lawana i bahabahamai, po patala tauhi hi goholihi, po hi pa, Odu-bona eega dewa mei nakapehe Isaraela uiahina i ta hanapugeni.

34. Parisea lawahi hi pa, Demoni wotalagae uiahinei tauna demoni i wiagahi.

¶ 35. Iesu tauna meagai po meagai keikeihi, i ne wiwila nae, hai sunago uiahihi iatatiehi, po basileia tuega



dewadewana i paliwelena, totogo magomagouhi tauna i luiawahihhi, po dobuna totogo —hi wai wiuahi.

36. Iesu patala i galehi, apoma tauna i lounugototogogehi, tauhi hi louhilage mei mamoe eega tougalenai-mahiehi.

37. Tauna i bahanae ana aniatatiana lawahi uiahihi, Sitona magurahi hi maga, toubori lawahi eega hi ta maga ;

38. Beinei Bada sitona taniwagana ona laupalieni, tauna toubagibagi lawahi ina himilihi sitona hina bori.

#### UPUMANA 10.

1. TAUNA ana aniatatiana lawahi nimaluaga hi tutu po luaga i otugehi, tauna manini i benehi alugo apapohi ; tauhi hina wiagahi, ma totogo lawahi hina luiawahihhi ma totogo wai wiuahi gati.

2. Geka, aposetolo lawahi nima luaga hi tutu po luaga goahi ; Simona i taha-tahaea i wigoaia Petero, ma Anederea tauna walebina, ma

Iakobo Sebedaiio natuna ma Ioane tauna walebina,

3. Pilipo ma Batolomaio, po Toma ma Mataio telona lawana, ma Iakobo Alepaio natuna, ma Lebaio tauna goana Tadaio.

4. Ma Simona Kanenia lawana, ma Iuda Isakariota, tauna Iesu i moruia.

5. Iesu geka nima luaga hi tutu po luaga i himilihi, tauna tauhi uiahihi, i pa, Taumi apega dobu tapuna ta-eahana ona waia po onanae, ma gati Samaria meagaina eega ona geleta ouiahina ;

6. I dewadewa taumi onanae mei Isaraela mamoe-hi hi lougoadehi ona beiha.

7. Taumi apo onanae, taumi ona ipaliwelena, ona pa, Eada basileiana amaka a tahi i kuku.

8. Taumi totogo lawahi ona luiawahihhi, lepera lawahi ona liieuiueuhi, hilage lawahi ona witoworo meme, ma demoni ona wiagahi. Taumi amaka o waia, taumi ona benena gati.

9. Taumi eega auro, po ario, po numinumi kaeakaeana

ona houni omi dagilolo uiahihi.

10. Autu gati omi nae ouiahina apega ona waia, ma gati, lului ega ona louluagehi, po ae kaumaka, po digona, tapa i dewadewa toubagibagi lawana ouiahina eaniani hina weleni.

11. Taumi meagai po meagai keikeina po ona geleta uiahina, ona laubaeada po eiai i dewadewa ; uiahini ona memae, apoma omi hougana onanae.

12. Taumi apo manago hai ou numa ona geleta, taumi ona mamarihi.

13. Naka manago gati, apo ina dewadewa, taumi ona wilapinihi ; apega ina dewadewa eaka, omi lapini ina nemēmai taumi uiahimi.

14. Lawa geha apega ina woimahiemī, po taumi omi baha apega ina nonori, taumi naka numana apo ona nehaleni po meageina, taumi aemi kopuna ona leiholuholuia tauhi uiahimi.

15. Moina, tau taumi uiahimi a baha mahi, Ani wimeihi hougana apo ina geleta,

Sodoma ma Gomoro apapoehi hi keikei, ma geka meageina apapoena i lata wahaga.

¶ 16. Geka, tau taumi a himilimi mei mamoe lugo ou gaogaohi ; geka, taumi ona hanapu mei mota, po ona i hinimaragama mei atana.

17. Taumi ma lawa ; tapa tauhi taumi apo hina hounimi hai ouaniataeatalai, po tauhi hina godilimi hai sunago uiahimi.

18. Taumi gati apo hina welowinimi guiau ma wasawasa ou nohi tau goaugei, wekiwekilalana tauhi uiahimi, ma dobu tapuna meitehi.

19. Tauhi taumi apo hina hounimi, taumi eega ona ipāpāla po i owaka, po baha awai uiahina apo ona beiha ; tapa naka ietai tupona apo baha ina welemi, uiahina apo ona baha.

20. Tapa taumi eega omi baha, ma taumi Amami Alugona tauna taumi ou hinemi i bahamai.

21. Walehina tauna walehina apo ina palihaleni ina hilage, amana gati apo natunatuna ina palihalehi ; natunatuna gati apo hina toworo

amahi po hinahi hina omnugogehi.

22. Taumi gati lawa magomagouhi hina wihinigiegemi tau goaugei; ma apo gehouna ina nugotuhu momohiu ina po hougana mulina, apo luiagohana tauna ina waia.

23. Apo tauhi taumi meagai geha hina wihinidodoremi, taumi ona lowo ou meagai geha, moia, tau taumi uiahihi a baha mahi, Isaraela meagaihi apega ona wiwila nae eohora lawa Natuna ina nei mapoma.

24. Aniatatiana lawana apega ina wotalagae a Touiatatiana uiahina, toupoula gati apega ina wotalagae ana bada uiahina;

25. Aniatatiana ina waia mei a Touiatatiana, toupoula gati mei a bada. Apo tauhi hina eatoni manago hai taniwaga tauna Belesebulo, po tauhi apega hina baha baha wotalagae a manago uiahihi heiaha?

26. Geka, taumi tauhi eega ona matoutehi; tapa ginouri i lutataia apo ina lougeletea, ginouri gati i loughodea apo ina baheni.

27. Tau taumi hoi ugua a baha mahi, taumi hoi eaeahi uiahina ona baheni, ginouri gati taumi ou tanigami hi nonori, taumi numa oupuhi ona wipaliweleni.

28. Taumi gati lawa hini touomnugohi ega ona matoutehi, tauhi apega alugo hina omnugo, i dewadewa tauna alugo po hini touomnugohi hoi Kena taumi ona matoutehi.

29. Kiu haburuhi luaga apega asari uiahina ina unehi heiaha? tauhi hai luaga gati apega gehouna ina peu hoi heipuli tounawa taumi Amami meitehi.

30. Taumi apalami amaka i hiawi pahi.

31. Beinei ega ona matouta; taumi o wotalagaemi, kiu haburuhi magomagouhi uiahihi.

32. Geka, lawa geha tauna tau ina bahebaheu lawahi ou nohi, tau gati tauna a bahebaheni Amau hoi eada ou nona.

33. Lawa geha gati tauna tau ina bouieu lawahi ou nohi, tau gati tauna a bouieni Amau no eada ou nona.

34. Taumi ega ona winugohiahiawa tau a nei memehota hoi heipuli a weleni, tau ega a ta nei memehota a ta weleni, ma kuatikuati.

35. Tapa tau a nei, lawa ma amana a lei nuagugule-namehi, natuna wawinena gati ma hinana a leinuanuagugulenamehi, agona gati ma lagona hina nuanuagugulenamehi.

36. Lawa gati a manago lawahi apo hina uigauiehi.

37. Lawa geha amana po hinana tauna ina lounugotogogena dumahi, ma tau uiahiu i keikei, naka lawana gati uiahiu apega ina dewadewa; lawa geha gati natuna olotona po natuna wawinena ina lounugotogogena dumahi, ma tau uiahiu i keikei, naka lawana gati uiahiu apega ina dewadewa.

38. Lawa geha a satauro apega ina awari, ma apega ina wimulitagou, tauna gati uiahiu apega ina dewadewa.

39. Lawa geha a luiagohana ina tuhagaia eaka, tauna apo ina palihalenameni; ma lawa geha a luiagohana ina

palihaleni tau beugei, tauna apo ina tuhagaia.

40. Lawa geha apo ina woimahiem, tauna tau i woimahieu, tauna tau i woimahieu gati, tauna i himiliu tauna i woimahieni.

41. Lawa geha gati peroveta lawana tauna goana peroveta, tauna ina woimahieni peroveta a meiha tauna apo ina tuhagaia; lawa geha gati dewa dumaru lawahi tauna goana dewa dumaru lawana tauna ina woimahieni, dewa dumaru lawana a meiha tauna apo ina tuhagaia.

42. Lawa geha gati goila waeau leduna e awa ina weleni, po gehouna i noumaia tauhi geke ouiahihi i keikei goana aniatatiana lawahi, moina tau taumi uiahihi a baha mahi, tauna a meiha apega ina eababa.

## UPUMANA II.

1. IESU ana aniatatiana lawahi nima luaga hi tutu po luaga, tauna amaka i wiligo-ligo woloehi, apoma tauna geke dobuna inehaleni, tauna hai meagai uiahihi i wiatatiehi, po i paliwelena nae.

2. Ioane hoi numa pani i nonori Keriso a bagibagi, apoma tauna ana aniatatiana lawahi luaga i himilihi, po hi nei tauna uiahina hi bahamai, hi pa,

3. Tam nanaka u nei, po lawa geha to iototoni heiaha?

4. Apoma Iesu i bahanae uiahihi, i pa, Omi lugo onanae, Ioane uiahina ginouri o nonori, po o galehi gati ona baheni;

5. Matakeke lawahi amaka hi kaea, ma daradara lawahi hi toworo po hi nena, lepera lawahi amaka hi liieuieuhi, taniga pupu lawahi amaka baha hi nonori, hilage lawahi amaka i witoworo meme, ma tuega dewadewana kapuwowola lawahi i paliwelehi.

6. Lawa geha apega ina nuaguguleu luiagohana apo ina waia,

7. Hai lugo amaka hi nae, apoma Iesu patala i paliwelehi Ioane beinei. Taumi o nae ou pitapita awai o wihalugeni heiaha? didiala hoi togoa i guhuia heiaha?

8. Po taumi o nae eigohi o wihalugeni heiaha? po lawa luilui hegohegoeahi i luia hei-

aha? geka, tauhi luilui hegohegoeahi hi luia wasawasa hai numa tauhi hai animae.

9. Po awai taumi o nae o wihalugeni heiaha? po peroveta lawana heiaha? Moina, tau taumi uiahimi a baha mahi, tauna i wotalagae peroveta uiahina.

10. Tauna naka amaka i giruma, Geka, tau ou toutuetuega lawana a himili ou nom apo inanae, tam om tahaea ou nom ina diuia.

11. Moina, tau taumi uiahimi a baha mahi, wawine hi wigunaguna apega lawa uiahihie i ta toworo i ta wotalagae Ioane bapatiso uiahina, ma eada basileia lawana i keike. wahaga, apo tauna uiahina ina wotalagae.

12. Ioane bapatiso hougana i wawari, i nei po ge hougana, eada basileia amaka hi teinea, tauhi gati touiteinea gadidiri hi waia.

13. Tapa peroveta lawahi hi iei bahamai ma lougagaeo, i nae po Ioane uiahina i geleta.

14. Apo taumi nugonugomi ina waia eaka, naka Elia i baheni tauna apo inanei.

15. Tauna taniganeie lautanigana, tauna ina nonori.

16. Tau geke hapana a weluelueini? Tauna mei logalogahi hau legawa hi mamae, tauhi hai heliheliam he ototugehi,

17. Hi pa, Tauiai toi pikolele nae uiahimi, ma taumi eega o ta halahala mai; tauiai to i toutougemi, ma taumi eega o ta toutougeiai.

18. Ioane tauna i nei, eega i ta am, ma gati ega i ta uma; apoma tauhi hi pa, Tauna demoni i luia.

19. Ma lawa Natuna gati tauna i nei, tauna i am po i uma, apoma tauhi hi pa, Geka, lawana uaina i duma ma i am labatana, tauna telona lawahi ma apapoe lawahi hai heliam. Hanapu tauna natunatuna he kawa dewa dumaruna.

† 20. Iesu oumeageihi a dewa manini hai toumaga i dewahi, tauna i louhiahiawehi, tauhi eega hi ta nonori eaka.

21. Keihoni tam Koasini i keihoni tam Betesaida tapa taumi dewa manini hi dewami, apo Turia ma Sidona uiahihi

hi ta dewaia, amaka loloa hi ta nonori ma gara waidonadonahi ma gahuei hi ta waia.

22. Beinei tau taumi uiahimi a baha mahi, Ani wimeiha hougana apo ina geleta Turia ma Sidona apapoehi hi keikei, ma taumi omi apapoe i lata wahaga.

23. Tam gati Keperenama, amaka u ge wahaga hoi eada, apo ina dubalim po ou eoli una eato; tapa dewa manini hi dewam, apo Sodoma uiahina hi ta dewaia, apo tauna i ta mamae i ne po geke hougana.

24. Beinei tau taumi uiahimi a baha mahi, Ani wimeiha hougana apo ina geleta, Sodoma dobuna hai apapoe i keikei, ma tam om apapoe i lata wahaga.

25. Naka hawatana Iesu i bahanae, i pa, Tau a marim, Amau e, eada po heipuli hai Guiau, geke ginouri u goagoadi hauapu lawahi po hibahiba lawahi ouiahihi, ma dewela meameahi tauhi uiahibi geke ginourih i u wogeletehi.

26. Amaka tauna, Amau e, tapa tam nugonugom naka.

27. Ginouri magomago-una Amau amaka i weleu pahi, eega lawa geha Natuna i ta hanapugeni, Amana tounawa ; eega lawa geha Amana i ta hanapugeni, Natuna tounawa, ma lawa geha Natuna nugona i waia ina wogeletea tauna uiahina.

28. Taumi onanei tau uiahiu, taumi magomagoumi o ihini wiua, ma itawi uiteihi o awara, tau gati a wiagohanimi.

29. Taumi tau ou pake ona awara, po taumi ora wotagou, tapa tau touhinihegoea ma tounugodewa ; apoma alugomi hai aniagohina ona tuhagaia.

30. Tau ou pake i uihinihegoea, ou aniwara gati, hai tou teatea.

#### UPUMANA 12.

1. NAKA hougana Iesu hoi sabati ilaouoihi tibolihi tauna i nena; ana aniatatiana lawahi am hi hilage gati, apoma tauhi sitona loehi hi am gongom nae, ma hi am.

2. Parisea lawahi tauhi hi galehi, apoma tauhi hi baha

tauna uiahina, Geka, om aniatatiana lawahi awaka sabati gagaeona tauhi hi tulagoni.

3. Iesu tauhi uiahihi i bahanae, Davida ginouri i dewaia eega o ta hiawa heiaha, tauna ami hilage a lawa meitehi hi memae ;

4. Tauna Eaubada a numa ou hinena i geleta, areto e wohaleni ou nona tauna i am, naka ginouri woiawa apega tauna ina am, ma lawa meitehi ; kohena lawahi touhiawa ?

5. Ma taumi lougagaeo eega o ta hiawi, sabati magomagouna kohena lawahi hau numa dalapu hi tulagonihi, ma tauhi eega meihahi hi ta houni ?

6. Tau gati taumi uiahimi a baha mahi, Gekahoti tauna i wotalagae numa dalapu uiahina.

7. Taumi apo o ta hanapugeni naka baha anona, Tau nugototogo nugou i waia, ma uitalaguiaba eega a ta nugonea, po taumi toudewa dumalu lawahi uiahihi eega o ta kaoakudu.

8. Tapa lawa Natuna tauna Sabati Guiauna.

¶ 9. Tauna geka dobuna inehaleni, apoma hai sunago ou hinena i geleta.

10. Geka gati, lawa nima hapelu nakahoti; apoma tauhi tauna uiahina hi laubaeadeni, hi pa, I dewadewa hoi sabati lawa hina luiawahi heiaha? po tauhi tauna hina i benabena meni.

11. Apoma tauna tauhi uiahihi i bahanae, Taumi eiai lawa geha a mamoe emoti, tauna hoi sabati hau goula ina peu, ma tauna apega ina waia, po ina telegeletea heiaha?

12. Lawa hota apega i ta wotalagae mamoe uiahina heiaha? naka beinei hoi sabati ta lounugototogo.

13. Apoma tauna i bahanae lawana uiahina, tam niamam una lodomi. Apoma tauna nimana i lodomi, amaka i dewadewa meme, mei nimanagehouna.

14. Parisea bōruhi hi hopu ou tano, apoma tauhi hi babani hi pa, tauhi tauna apo hina uni.

15. Iesu tauna amaka i galeni, apoma geka dobuna tauna inehaleni; ma patala baneina tauna uiahina hi wimulitagoa; ma tauna tauhi magomagouhi i luiawahihi;

16. Tauna gati tauhi uiahihi i bahanae, Apega hina baheni tauna;

17. Po Isaia peroveta a baha ina wogeletea i pa,

18. Geka, tau ou toupoula nugou i waia ou ani toumaganana, uiahina nugonugou i kaoha; tauna ou unubolina Alugou a tuhouni, tauna libahibahi apo ina baheni dobu tapuhi uiahihi;

19. Tauna apega ina igamogahi, tauna gati apega ina otu, tauna ponana gati apega lawa geha hau taeha ina nonori.

20. Tauna didiala i gunahaia apega ina wotoui, po tauna gati gara i alalata keikei apega ina bohoia inae po libahibahi tauna ina wigadidirieni.

21. Tauna goana gati Dobu tapuhi hi witoumaganeni.

¶ 22. Apoma lawa demoni i luia hi neiai Iesu



uiahina, tauna gati matana i keke ma gungum; apoma Iesu tauna i luiawahi, apoma matakeke ma gungum lawana, amaka matana i gaea ma i leibahaia.

23. Apoma patala magomagouhi amaka hi goholihi, hi pa, Geka Davida natuna eega heiaha?

24. Parisea lawahi hi nonori, apoma tauhi hi pa, Apo eega Belebulo demoni hai wasawasa, po naka lawana apega demoni tauna ina wiagahi.

25. Iesu tauhi hai nugotuhu tauna i hanapugehi, apoma tauna tauhi uiahihi i bahanae, Basileia magomagona hina nuanuagugulenamehi tauhi apo hina eababa, meagai magomagouna gati po manago hina nuanuagugulenamehi tauhi apega hina mamae tuetueinai.

26. Apo Satana tauna ina wiagamehi, tauna apo ina nuanuagugulenamehi tauna, a basileia gati i owaka ina mamae tuetueinai?

27. Apo gati Belesebulo uiahinei demoni a wiagahi,

ma taumi natunatumi eiai uiahina demoni hi wiagahi? Naka beinei tauhi taumi hina libahibahimi.

28. Apo tau Eaubada Alugonei demoni a wiagahi, Eaubada a basileia amaka i geleta taumi uiahimi.

29. Lawa geha i owaka ina geleta gadidiri lawana ana ou numa, ma ina kuwaeiaia? gadidiri lawana ina iei pani, apoma a numa ina kuwaeiaia.

30. Lawa geha apega ina nonori tau uiahiu, tauna i hinikeikeieu; po lawa ega tau meitehi to ta upumi, tauna e lei nohanohameni.

31. Naka beinei tau taumi uiahimi a baha mahi; lawa hai apapoe magomagouna ma baha apapoe apo ina paligigiri, ma tauna Alugo Woiawa tou paligiuiaguiaugeni ana apapoe apega ina paligigiri.

32. Apo lawa geha tauna lawa Natuna ina iapapoiia, ana apapoe apo ina paligigiri; ma tauna Alugo Woiawa tou paligiuiaguiaugeni ana apapoe apega ina paligigiri, geka luiagohana hau heipuli inae po luiagohana hau moeana.

33. Taumi maeau dewa-dewana ona baheni, tauna uguna gati ina dewadewa; taumi maeau apapoena ona baheni, tauna uguna gati ina apapoe; tapa maeau ugonei tebana ta galeni.

34. Mota woeahiahi natu-natuhi e, taumi o apapoe, po i owaka taumi omi baha hina dewadewa? tapa ginouri magomagouna ou nugonugona uiahinei gamona e bahamai.

35. Lawa dewadewana ginouri dewadewahi ou nugonugona i houni uiahinei ginouri dewadewahi e neiai; lawa apapoena gati, ginouri apapoehi ou nugonugona i houni uiahinei ginouri apapoehi e neiai.

36. Tau taumi uiahimi a baha mahi, baha magomagouna lawa hi bahebahehi baha eababa e awa, tauhi apo libahibahi ietaina hina wibaniehi.

37. Tapa tam om baha uiahinei i kaowa dewa duma-lum, om baha gati uiahinei i kaowa apapoem.

¶ 38. Tomgiruma lawahi gehouhi ma Parisea lawahi

gehouhi, tauhi hi bahamai, hi pa, Touiatatiana e, tauiai to nugonea om wekiwekilalana uiahiai ina wogeteni.

39. Ma tauna i bahanae tauhi uiahihi i pa, Hapana apapoe ma louwawine, tauhi wekiwekilalana hi beiheu apega wekiwekilalana ina welehi Tiona peroveta tounawa tauna wekiwekilalana.

40. Tapa mei Tiona iana baneina ou managona i mae ana ietai tonuga ma didibala tonuga, apo mei nakapehe lawa Natuna heipuli ou hinena apo ina mamae ana ietai tonuga ma didibala tonuga.

41. Nineva lawahi apo hina toworo libahibahi ietaina ma geka hapana meitehi, po hina iapapoehi; tapa tauhi Tiona i paliwelehi, ma nugonugohi hi buia, Geka gati, tauna gekahoti i wotalagae Tiona uiahina.

42. Keduruma wasawasana tupa eawanei apo ina toworo libahibahi ietaina geka hapana meitehi, po ina iapapoehi; tapa tauna heipuli tiganei i nei Solomona a hanapu uiahina i lautanigana;

Geka gati, tauna gekahoti i wotalagae Solomona uiahina.

43. Apo alugo apapoe lawa ina hopuhaleni ou puta, apoma tauna i nae dobu wiheiheila, tauna ana aniagohina i beiha, ma ega i ta tuhagaia.

44. Apoma tauna i pa, Tau a gunauileu po a nae ou numa uiahinei a nei, tauna amaka i nae uiahina, apoma tauna i galeni amaka i gouta, ma gati amaka i wotamatama po i dewaimahieni.

45. Apoma tauna amaka i nae, po alugo gehouhi nimitutu po luaga i welueinihi, tauhi hai apapoe i wotalagae tauna uiahina, apoma tauhi hi lui uiahina, po uiahina hi mamae ; apoma geka lawana muliei i apapoe wahaga tauna a houga iei houni uiahinei. Apo mei nakapehe gati ina dewaia geka hapana apapoe uiahina.

¶ 46. Tauna i bahanae patala uiahina, geka, tauna hinana ma walewalehina ou tano hi towotoworo, hi pa, meitehi hi nai babani.

47. Apoma gehouna tauna uiahina i bahamai, Geka, tam

hinam ma walewalehim ou tano e towotoworo, hi pa, meitem ona i babani.

48. Apoma tauna i bahanae lawana uiahina, Tau hinau eiai ? po walewalehiu gati eiai ?

49. Apoma tauna nimana ana aniatatiana lawahi ouiahihi i lodomi, po i pa, Geka, hinau po walewalehiu,

50. Tapa lawa Amau hoi eada ponana toudewaimahieni, nanaka walehiu ma noue, ma hinau.

### UPUMANA 13.

1. TAUNA ietana Iesu numa i hopu haleni, tauna i tugula boga ou labena.

2. Apoma patala mago-magouna himboina mai tauna uiahina, beinei tauna hoi wam i geru, po uiahina i tugula ; ma patala gati boga ou labena i toworo gogona.

3. Apoma tauna i bahanae tauhi uiahihi hau parable baha magomagounei, i pa, Geka, sitona toulilorina lawana tauna i nae po pehi ina laihori.

4. Tauna pehi i laihori,

gehouhi hi peu hau tahaea ; apoma kiu lupalupahi hi nei, po hi ani.

5. Gehouhi hi peu hoi mala tapatapana, heipuli i keikei, apoma e lahaia eagi-agina, heipuli i awawa eaka ;

6. Kabudala i geleta, po i lalanihi, apoma hi poi, eega dedehi eaka.

7. Gehouhi gati hi peu ou hiamoni waidonadonahi, amaka hi lahaitani hiamoni waidonadonahi meitehi, po hi awani eaka eega hi ta ugo.

8. Gehouhi hi peu ou heipuli dewadewana, apoma hi ugo, gehouhi oloto nimitutu hi hilage, ma gehouhi oloto tonuga hi hilage, ma gehouhi oloto emoti hi hilage po nima luaga hi tutu.

9. Tauna taniganei e lautanigana, tauna ina nonori.

10. Tauna ana aniatatiana lawahi hi nei uiahina, tauhi hi bahamai uiahina, Awai beinei u bahanae tauhi uiahihi, baha parabole uiahinei ?

11. Apoma tauna i bahanae uiahihi, i pa, Amaka i welemi taumi uiahihi, taumi ona hanapugeni eada basilei-

ana ginouri goadahi, ma ega tauhi uiahihi i ta welehi.

12. Tapa lawa a ginouri i maga, uiahina i weleweleni, apo uiahinei a ginouri e magamaga ; ma lawa ega a ginouri, apo ginouri tauna uiahina ina tapehaleni.

13. Naka beinei baha parabole a baha mahi tauhi uiahihi, tauhi hai anigalenei apega hina galeni, tauhi hai aninonorei gati, tauhi apega hina nonori, po hina nugotuhua.

14. Tauhi Isaia i laututugeni ina wogeletea uiahihi, i pa, Taumi apo ona lautanigana, apega ona nonori ; ma taumi gati apo ona galeni, apega ona galeni.

15. Geka dobuna nugonugohi hi potopoto ma tauhi taniga aninonorana hi gabala, tauhi matahi gati hi libotaia, apega matahi hina galehi, ma tanigahi apega hina nonori, ma nugonugo apega hina buia po hina gunauilehi, po tauhi a ta luiawahihhi.

16. Taumi matami i dewadewa, amaka i gagalehi, ma taumi tanigami amaka hi nonori ;

17. Moina, tau taumi uia-himi a baha mahi, Peroveta lawahi hi maga, ma dewa dumalu lawahi, tauhi hi nugonea ginourihī amaka o galehi hina galehi, ma ega hi ta hanapugeni; tauhi gati hi nugonea ginouri amaka o nonori, ma eega hi ta nonorī.

18. Geka, taumi baha parable ona nonori, sitona toulihorina lawana.

19. Apo lawa geha basileia bahana ina lautanigana, ma ega i ta nonori, apoma touiapapoe i nei, ginouri ou nugonugona i laihori tauna i tama halea; naka ginouri hau tahaea i laihori.

20. Ma ginouri hau tapatapana i laihori, naka lawana bahana i nonori po i wiagiagineni ma i kaoha;

21. Tamoki tauna eega dedena, apega ina mamae, apapoe ina lougeleteni, po louhinidodora bahana beinei, apoma tauna i guriguri.

22. Ma ginouri hau hiamoni waidonadonahi i laihori, tauna naka bahana i nonori, ma heipuli nugohēlele ginourihī, gapola gati ani koeama dewahi, bahana he loutataia

eawanihi eaka apega hina ugo.

23. Ma ginouri hau heipuli dewadewana i laihori, tauna naka bahana i nonori, po i nugotuhuia; ma i ugo, gehouhi nimitutu hi hilage, ma gehouhi oloto tonuga hi hilage, ma gehouhi oloto emoti i hilage po nima luaga hi tutu.

¶ 24. Parable gehouna tauna tauhi uiahihi i bahanae, i pa, Eada basileiana mei lawa gehouna a dobu uiahina sitona dewadewahi i laihori;

25. Hoi dibalei lawa amaka hi eno, apoma touhinidoreni lawana i nei, po tauna titania i laihori sitona ou hinenā, po tauna amaka i lowo ou heia.

26. Sitona i lahahi po hi gae, ma hi ugo, apoma titania i tuhagaia.

27. Apoma manago hai taniwagana a toupoula lawahi hi nei, tauhi tauna uiahina hi pa, Guiau e, om dobu eega sitona dewadewahi e awa u ta laiholi heiaha? Ma geka, titania meiei?

28. Apoma tauna tauhi uiahihi i baha i pa, Lawa i

hinidodoreu, geke ginouri tauna i dewaia. Apoma a toupoula lawahi hi bahamai uiahina, Tam nugonugom apo to nei naka ginouri to gigila halehi heiaha?

29. Ma tauna i baha, Eega, apo sitona gati ona gigila halehi titania meitehi.

30. Amaka hina mamae, meitehi hina laha gogona, eohora ina po omborina ina geleta; apo ina geleta omborina hougana, ma touboribori lawahi uiahihi a bahanae, Taumi titania onaiei upuma po hina neiai po ona panipani lauitehi po hina lahi; ma sitona, taumi ona upuma ou numa sitona uiahina.

¶ 31. Tauna baha parabole gehouna i bahanae tauhi uiahihi, i pa, Eada basileiana mei sinapi ugonana, lawa geha i waia, po ana ou dobu i ugota;

32. Tounawa i keikei hau maeau ugohi magomagouhi; apo ina lahaia, amaka i lata maeau keikeihi magomagouhi tauna i lagonihi; tauna apo ina lata po maeau baneina, kiu lupalupahi apo hina nei,

tauna ou lagana apo hina meieni.

¶ 33. Baha parabole gehouna tauna tauhi uiahihi i bahanae, Eada basileiana mei falaoa ani leihahana, wawine i waia, po falaoa ou hinena i houni, mala tonuga i wihogoia po amaka i hahana pahi.

¶ 34. Naka baha magomagouna Iesu i bahanae patala uiahihi, baha parabolei e awa tauna i bahanae tauhi uiahihi.

35. Po peroveta a baha ina wogeletea, i pa, Tau baha parabolei a baha mahi, heipuli i wawari ginouri mata goagoadehi tau a baheni.

¶ 36. Apoma Iesu patala inehaleni, po hoi numa i geleta; apoma ana aniatatiana lawahi hi nei uiahina, tauhi hi pa, Tam baha parabole titania hoi dobu i lahalahi, bahana anona uiahihi una dedeia.

37. Apoma tauna i bahanae tauhi uiahihi, i pa, Lawa sitona dewadewana i laihori, naka lawa Natuna;

38. Ma dobuna, tauna heipuli; sitona dewadewana, naka basileia lawahi, ma

titania, naka tou apapoe natunatuna ;

39. Touhinidodorá naka ginouri i laiheri, tauna diapolo naka ; ombori houkana, naka houga mulina ; tou boribori lawahi, naka aneruhi.

40. Mei nakatouhe titania hi upupumi, po maeau alalatanei hina tunuia po ina lahi, houga mulina apo ina geleta, mei nakatouhe geka heipuli.

41. Apo lawa Natuna a aneru ina himilihi, tauna ana ou basileia hina gogonihi tauhi magomagouhi he loudubadubali, ma toudewaguiaw lawahi.

42. Apo tauhi maeau alalataana ou hinena hina dubalihi, uiahina hina hidahida, ma niuwohi hina am hana gidiana.

43. Apoma dewa dumalu lawahi hina namanamari mei kabudala, tauhi Amahi ana ou basileia. Tauna taniganei e lautinigana, tauna ina nonori.

¶ 44. Eada basileiana mei une hau heipuli hi goadi ; lawa geha i tuhagaia, apoma tauna i goagoadi, tauna i nae po i kaoha, a gapora mago-

magouna amaka i louune pahi, po naka heipulina tauna i uneia.

¶ 45. Eada basileia gati mei toulouune lawana, tauna gahimatana hi beibeiha ;

46. Tauna i tuhagaia gahimatana gehouna meihana i lata, apoma tauna i nae a gapora magomagouna i une pahi, po geka gahimatana i uneia.

¶ 47. Eada basileia gati mei hagida ou boga i telena, iana magomagouhi hi ionona.

48. Amaka i hogoia, apoma tauhi hau teteana hi teini geletea, tauhi iana dewadewahi hau boha hi bohobohaia, ma iana apapoehi hi wihuluhi.

49. Apo mei nakatouke hoi heipuli houga mulina ; apoma aneruhi tauhi hina gahaia, apapoe lawahi ma dewa dumalu lawahi,

50. Po apapoe lawahi tauhi hau maeau alalatahi apo hina dubalihi, uiahina apo hina hidahida, ma niuwohi hina amhanagidiana.

51. Iesu tauhi uiahihi i bahanae, Taumi geka baha

magomagouna amaka o nonori? Tauhi tauna uiahina i bahamai, E, Ginau e.

52. Apoma tauna tauhi uiahihi i bahanae, Geka, tom-giruma lawahi magomagouhi eada basileiana iatatiehi, tauhi mei manago hai taniwaga, wouna ginourihi po odubona ginourihi une numana hi neiai.

53. Iesu baha parabile i baha woloehi, apoma geka dobuna tauna inehaleni.

¶ 54. Tauna a meagai dumana uiahina i geleta, apoma tauna tauhi hai sunago i wiatatiehi; tauhi amaka hi goholihi, po hi pa, Tauna geka hanapu meiei i waia po dewa manini?

55. Geka kapenta natuna eega heiaha? Maria tauna hinana goana, tauna walehina Iakobo, ma Iose, ma Simona, ma Iuda?

56. Tauna nounouna eega meitehi ta mamae heiaha? po geka lawana ginouri magomagouna tauna meiei i waia?

57. Apoma tauhi tauna hi gamogahigahieni ma hi pali-palieni, Iesu tauhi uiahihi i

bahanae, Peroveta amaka he iadeateni, a meagai lawahi, ma a manago lawahi touhiawa, tauna apega hina iadeateni.

58. Beinei a dewa manini eega hi ta maga ou dobuna i dewaia, tauhi eega hi ta nonori eaka.

#### UPUMANA 14.

1. NAKA houkana Iesu tuegana Heroda wasawasa i nonori;

2. Apoma tauna i baha a toupoula lawahi uiahihi, Ioane bapatiso naka; tauna hilagei i toworo meme, naka beinei dewa manini i dewaia.

3. Heroda Ioane i uni, po i pani, po hoi numa pani i wiluia, Herodia beinei Bilipo agona tauna walehina.

4. Tapa Ioane i baha uiahina, tauna apega uiahina ina lawagi.

5. Tauna omnugona anitua, ma patala uiahihi i matoutehi, tapa tauhi hi pa, tauna peroveta lawana.

6. Ietai amaka i geleta Heroda i guni nugotuhuna houkana, Herodia natuna guguhinina i geleta po i hala-



hala, taubi ou nohi, tauna Heroda i lei kaohaia.

7. Beinei tauna guguhini uiahina i pa, tauna baha piko i baheni, ginouri awai tauna ina laupalieni tauna apo ina benena.

8. Ma tauna, hinana i leihunaia, tauna i pa, Ioane bapatiso unununa hau gaeba una houni po una neiai ka-hoti.

9. Apoma guiauna nugo-nugona amaka i wiua wahaga; tauna a baha piko, ma tauhi meitehi hi loutetera po hi mam, po tauna i ligoligo apo ina weleni.

10. Guiau lawa geha i himili, po Ioane unununa hoi numa pani i bori po i neiai.

11. Tauna unununa hau gaeba i houni po i neiai, po wawinena i weleni, po gati wawine hinana i weleni.

12. Tauna ana aniatatiana lawahi hi nonori po hi geleta, tauna hinina i awari po ou kokoaga hi houni; tauhi gati hi nei Iesu uiahina hi baheni.

13. Iesu tauna i nonori, apoma geka dobuna tauna

inehaleni, po hoi wam i geru, po i nae dobu barabara i memae tauna tounawa. Patata tauhi hi nonori, apoma tauna mulinei hi nae, meagai magomagouna tepanei hi nei.

¶ 14. Iesu tauna i nae, po patala magomagouna tauna i galehi, po i lounugototogogehi, tauhi hai totogo tauna i luiawahihi.

15. Amaka aibiga, tauna ana aniatatiana lawahi hi nei uiahina, tauhi hi pa, Geka, barabara eabaeababa, kabudala amaka i halena weleni, tam patala una himilihi, tauhi hina nae ou meageihi po hai am hina louune.

16. Tauna Iesu tauhi uiahihi i bahanae, tauhi apo hina nae; apega hina dewadewa, tauhi hai am ona benehi.

17. Apoma tauhi tauna uiahina hi bahamai, Gekahota eega a ta e am, areto nimitutu e awa ma iana luaga.

18. Tauna i bahanae uiahihi, Ina neiai uiahiu.

19. Apoma tauna patala uiahihi i bahanae, tauhi lei ou tepana hina loutetera. Apoma tauna areto nimitutu

ma iana luaga i waia, tauna eada i galena gae, po i wimamara ; tauna areto i tomotomuia, po ana aniatatiana lawahi i welehi, ma tauhi patala ou nohi hi houni.

20. Tauhi magomagouhi amaka hi am, po hi amhiougo, tauhi omtelenana amaka hi tuarui, po boha nima luaga hi tutu po luaga hi wihogoia.

21. Tauhi hi am ololotohi tausani nimitutu, ma wawinehi ma logalogahi ega hi ta hiawi,

¶ 22. Iesu tauna ana aniatatiana lawahi i leihunahi, tauhi hoi wam hina geru, tauhi ou nona hina tahaea ou tupona gehouna, ma tauna patala ina himilihi po hina nae.

23. Tauna patala i himilihi po hi nae, apoma tauna tounawa i gae ou oea i laupali, Amaka aibiga, tauna tounawa i mamae.

24. Ma wam hoi boga ou tipolina, buretutu hi togotogogeni ; tapa togoa ou nohie i togo mai.

25. Iesu tauna i nae tauhi uiahihi hoi didibala, tauna boga tepanei ene nei.

26. Tauhi hi galeni, tauna boga tepanei enenei, apoma tauhi nugonugohi hi gunahepaia, po hi pa, Alugo ; po tauhi hi otu poapoa hi matouta eaka.

27. Ma Iesu i bahanae tauhi uiahihi, i pa, Taumi nugonugomi hina gadidiri, tau geke, eega ona matouta.

28. Petero tauna uiahina i bahamai, i pa, Guiau e, apo tam naka eega una bahamai tau uiahiu, po tau boga tepanei anehi uiahim.

29. Apoma tauna i bahanae uiahina. Unanei, Apoma Petero wam uiahinei i togohopu, po boga tepanei i nae Iesu uiahina.

30. Tauna i galeni togoa i kadidili wahaga, apoma i matouta, apoma tauna i ori, po i ototu, i pa, Guiau e, una luiawahiu.

31. Apoma Iesu nimana i wodaeaka, po uiahina i wogonae, ma i bahanae tauna uiahina, Tam om nonora i keikei, awai beinei nugonugom e magamaga ?

32. Apoma hai lugo hoi wam hi geru, apoma togoa i ato po i doumori.

33. Ma tauhi hoi wangei hi nei, tauna uiahina hi polou, po hi pa, Moina, tam Eau-bada Natuna.

¶ 34. Tauhi tupona gehouna hi nae, po ou Genesareta dobuna hi gota.

35. Geka dobuna lawahi tauna hi galeni, apoma tauhi geka tupo lawahi hi ligoligohi, po tauhi totogo lawahi magomagouhi hi nei hinimai tauna uiahina ;

36. Tauhi tauna hi lupalieni, tauna a gara ou lialiana tauhi hina loutagehi, tauhi magomagouhi hina loutagehi amaka hinihi hi hegoea po hi luiagohana.

#### UPUMANA 15.

1. TOMGIRUMA lawahi, ma parisea lawahi Ierusalemehi hi nei Iesu uiahina, tauhi hi pa,

2. Awai beinei tam om aniatatiana lawahi odubona lawahi hai baha hi tulagoni? tauhi he mam ma nimahi eega hi ta ogaia.

3. Ma tauna tauhi uiahihi i bahanae, i pa, Taumi gati

awai beinei Eaubada a ligo-ligo o tulagoni omi baha odubona uiahinei.

4. Tapa Eaubada a ligo-ligo, i pa, Tam amam ma hinam una iateadehi ; ma gati, Lawa geha amana ma hinana ina iapapoehi, tauna ina uni hilageia.

5. Taumi o pa, Lawa geha ina baha amana po hinana uiahihi, apo ginouri tau uiahiu u nugonea eaka, aniuitalaguiaba naka ;

6. Apoma amana ma hinana tauna apega ina iateadenamehi. Taumi Eaubada a ligoligo oi dibogi, taumi omi baha odubonei.

7. Taumi toukoeakoeama lawahi, mei Isaia bahana i baheni, i pa,

8. Geka, dobu lawahi eipilihiei hi melapiniu, eipilihiei e awa hi mamariu gati, ma tauhi nugonugohi ouheiei he nena,

9. Tauhi lawa hai ou ligo-ligogei uiahiu he mamara eabaeababau.

10. Tauna patala magomagouna i otugehi, ma tauna uiahihi i bahanae, Taumi ona lautaniganeu, ma ona nonori.

11. Ginouri ou gamona e houni, apega lawa ina iapapoa, ma ginouri gamonei e hopu mai, naka tamoki lawa e iapapoa.

12. Apoma ana aniatati-ana lawahi hi nei uiahina, tauhi uiahina hi baha, Tam amaka u hanapugeni parisea lawahi naka bahana hi nonori, po tauhi hi louiogigai ?

13. Ma tauna i baha, i pa, Maeau magomagouna Amau no eada tauna egi ta ugohi, apo ina hapu pahihi.

14. Geitahi tauhi matakeke lawahi tulahi hina welowinahi; apo matakeke lawana matakeke lawana gehouna ina welowaia, apo tauhi hai luaga hau goula hina peu.

15. Petero i bahamai, uiahina i pa, Naka baha parable anona uiahiai una de-deia.

16. Apoma Iesu i bahanae i pa, Taumi gati eega o ta nonori heiaha ?

17. Ma taumi eega o ta hanapugeni, ginouri magomagouna hau gamona hi houni, amaka hi lui ou managona,

apoma ina mehaleni po ina hopu pahia ?

18. Ma ginouri gamonei i hopu mai, naka ou nugonugona hi geleta, naka ginourinei lawa he iapapoa.

19. Tapa ou nugonugona hi geletai, nugotuhu apapoe, omnugo, ma louwawine, ma wihora, danene, po wibena-benakoeakoeama, ma baha apapoe.

20. Naka ginourinei lawa e iapapoa; ma am nimana eega hi ta ogaia, apega uiahinei lawa ina iapapoa.

¶ 21. Iesu geke dobuna i toworo halea, po tauna i nae Turia ma Sidona ou heipulina.

22. Kanana wawinena geke tuponei i nei, tauna uiahina i otu, i pa, Guiau e, Davida natuna, una lounugototogogeu; natue wawinena amaka i apapoe demoni i luia.

23. Ma Iesu eega baha uiahina i ta paliweleni. Apoma ana aniatatiana lawahi tauhi hi nei, uiahina hi laupali, hi pa, Tam tauna una himili po inanae, tapa tauna

i mulitagota, po uiahita i otu mai.

24. Ma tauna i bahanae, i pa, Tau ega a ta nei lawa tapuhi uiahihi, ma mei Isara-ela managona mamoehi hi lougoadehi tamoki.

25. Apoma tauna i nei, uiahina i polou, tauna i pa, Guiau e, una hague.

26. Ma tauna i bahanae, i pa, Natunatu hai am apega kedewa uiahihi hina benehi.

27. Wawinena tauna uia-  
hina i bahamai, Guiau e, moina tam; tapa kedewa taniwaga a eam hamomouna hau pata he holuholu he am.

28. Ma Iesu i bahanae, uiahina i pa, Wawine e, tam u nonora lapatana; mei u nugonea eaka, mei nakapehe gati ina dewam. Apoma natuna wawinena geke ietai hawatana amaka hinina i hegoea.

¶ 29. Iesu geke dobuna i toworo halea, apoma Galilaia bogana ou labena i nena; tauna oea i geini, uiahina i tugula.

30. Apoma patala mago-  
magouna hi nei uiahina, dara-

dara lawahi, matakeke lawahi, po gungum lawahi, ma lawa aehi po nimahi hi gunugunu towihi, ma gehouhi magoma-  
gouhi meitehi tauhi Iesu ou aena hi hounihi; apoma tauna tauhi i luiawahihi.

31. Apoma patala hi go-  
holihi, tauhi hi galehi, gum-  
gum lawahi amaka hi baha-  
baha, ma lawa aehi po nimahi  
hi gunugunutowihi, aehi po  
nimahi amaka i hounihi, dara-  
dara lawahi amakahi toworo,  
matakeke lawahi amaka hi  
kaea, apoma tauhi mei Isa-  
raela hai Eaubada hi mama-  
rinieni.

32. Iesu ana aniatatiana  
lawahi i otugehi i pa, Tau  
patala a lounugototogogehi,  
tauhi ietai tonuga meiteka ta  
memae, tauhi gati eega hai  
am. Tau apega tauhi a hi-  
milihi hina nae ma ami hi  
hilage, tauhi hoi taehi apo  
hina teana.

33. Apoma ana aniatatiana  
lawahi, tauna uiahina  
hi bahamai, Pitapita eaba-  
eababa geke areto meiei apo  
ta tuhagaia, po hina maga,  
po patala hi maga wahaga  
tauhi hina amhiougo.

34. Ma Iesu tauhi uiahihi i bahanae, Taumi omi areto wapihaga? Ma tauhi hi pa, Nimitutu po luaga, ma iana haburuhi.

35. Apoma tauna patala uiahihi i bahanae, tauhi hau heipuli hina loutetera;

36. Tauna areto nimitutu po luaga ma iana i waia, po i wimamari, ma i tomutomuia, ana aniatatiana lawahi i welehi, po tauhi patala hi welehi.

37. Tauhi magomagouhi ni mam, po amaka hi amhiougo, aniani omtelenana tauhi hi tuboinihi, boha nimitutu po luaga hi wihogoia.

38. Tauhi touam ololotohi tausani wohepali, ma wiwinehi po logaloga muhohohi eega hi ta hiawihi.

39. Tauna patala i himilihi po hina nae, apoma tauna hoi wam i geru, po i nae Magadara dobuna.

#### UPUMANA 16.

1. PARISEA boruhi ma Sadukea boruhi hi nei, tauhi tauna uiahina hi loudadani, tauhi hi bahamai, tauna eada

TAVARA ST. MATT.

wekiwekilalana ina wogeletea tauhi uiahihi.

2. Tauna i bahanae tauhi uiahihi, i pa, Taumi aibiga ma o pa, Apo ina higolo; tapa eada amaka i kaea.

3. Malatomtomi gati tauhi o pa, Ataima apo gadiwewe ina atuna, tapa amaka i kaeakaea, po eada i wahuia. Taumi koeakoeama lawahi, taumi eada dewana amaka o hanapugeni, ma bolima wekiwekilalana eega o ta hanapugeni heiaha?

4. Hapana apapoe ma louwawine, wekiwekilalana tauhi he beibeiheni; wekiwekilalana apega a welehi, wekiwekilalana tamoki Iona peroveta lawana. Apoma tauna tauhi inehalehi amaka i nae ouheia.

¶ 5. Apoma tauna ma ana aniatatiana lawahi tupona gehouna higota, tauhi areto nugohi hi gului eega hi ta waia.

6. Iesu i bahanae tauhi uiahihi, Taumi, Parisea lawahi ma Sadukea lawahi, hai aniwilata ginourihi ona hini-geigeieni.

7. Apoma tauhi touhiawa hi babani, tauhi hi pa, tauta eega areto ta ta waia eaka i baha.

8. Iesu i nonori, apoma i bahanae tauhi uiahihi, Taumi awaka o wibabanieni, taumi omi nonora hi keikei, po taumi eega areto o ta neiai heiaha?

9. Taumi meanai apo ona nonori, taumi gati eega o ta nugotuhua, areto nimitutu a tomotomuia, po tauhi tausani nimitutu a benehi, aniani loutelenana boha wapihaga taumi o wihogoia?

10. Ma gati areto nimitutu po luaga, ma tausani wohepali, boha wapihaga o wihogoia?

11. Taumi ega o ta nonori, eega areto beinei a ta palipaliemi, ma parisea lawahi po sadukea lawahi, hai ani wilata ginourihī ona ihinigeigeieni?

12. Apoma tauhi hi nonori, eega areto anileihahana hi beinei Iesu i bahanae tauhi hina ihinigeigeiehi, ma parisea lawahi ma sadukea lawahi hai baha.

¶ 13. Iesu tauna Kaisaria Pilipi ou heipulina e nenaē, tauna ana aniatatiana lawahi uiahihi i laubaēdehi, i pa, Lawa i awaka hi baha, tau lawa Natuna, eiai?

14. Ma tauhi hi bahamai, Gehouhi hi pa, Ioane bapatiso tam; ma gehouhi hi pa, Elia, ma gehouhi hi pa, Ieremia, po peroveta lawana gehouna.

15. Tauna tauhi uiahihi i bahanae, Ma taumi i awaka o pa, tau eiai?

16. Simona Petero uiahina i baha, i pa, Tam Keriso, Eaubada wotalagae Natuna.

17. Apoma Iesu uiahina i bahanae, i pa, I dewadewa tam Simona Paiona, tapa eega lawa hota uiahim i ta bahani, ma Amau hoi eada.

18. Tau tam uiahim ataima a baha mahi, Tam Petero, tau ou ekalesia geke tapatapanā ou tepana apo a wogoia, Seoli matetana uiahina apega hina loutalagae.

19. Tau gati eada basileia kina apo a welem, apo ginouri gati hau heipuli una pani, eada gati uiahina ina pani,

ginouri gati hau heipuli una hoes, eaga hoi eada gati uiahina apo ina hoes.

20. Iesu ana aniatatiana lawahi i talagagalihi, apega lawa geha uiahina hina baheni, tauna Iesu Keriso.

¶ 21. Naka hougana Iesu i wogeletea wawara ana aniatatiana lawahi uiahihi, i dewadewa tauna apo ina nae ou Ierusalem, hini wiua ginourihim magomagouhi toulalai ma kohena babadahi wotalagaehi hina weleni, ma tomgiruma lawahi, tauna gati hina uni po ina hilage, ietai tonuga apo ina toworo meme.

22. Ma Petero i weluaia, tauna uiahina i talagagali, i pa, Guiau e, naka ginourim eega uiahim ina lougeleteni; apega naka ginourim ina geleta tam uiahim.

23. Apoma tauna i loughaguila, Petero uiahina i bahanae, Satani e, tam unanae oupue, ginourim aniloudubaliu tam; tam Eaubada a ginourim eega u ta nugotuhua, ma lawa hai ginourim e awa.

24. Apoma Iesu i bahanae ana aniatatiana lawahi

uiahihi. Lawa geha tau muligei nei aninatua eaka, tauna tounawa ina palihalenaeni, a satauro ina awara, apoma tau muligei inanei.

25. Tapa apo lawa geha a luiagohana beihana aninatua eaka, tauna a luiagohana apo ina gunahaia; ma lawa geha a luiagohana ina gunahaia tau tepogei, apo tauna ina waia.

26. Lawa apo heipuli magomagouna ina waia, ma luiagohana i paleia, ginourim awai apo ina beneni, tauna a luiagohana iawena ina peri?

27. Tapa apo lawa Natuna ina hopu mai aneru meitehi Amana a namanamarineim; apo eamoha a meihatauna ina welehi, meihahai bagibagi.

28. Moina, tau taumim uiahihi a baha mahi, Gehouhim gekahoti hi towotoworo apega hilage hina uialoni, iohola lawa Natuna tauhi hina iei galeni, apo ina hopu mai a maninina meitehi.

#### UPUMANA 17.

1. IETAI nimitutu po emoti i kokoe, apoma Iesu ma



Petero, ma Iakobo, ma Ioane tauna walehina, tauna i welo-winihi po oea daodaona hi geini, tauhi touhiawa.

2. Tauna naona tapuna tauhi ou nohi, tauna matana i namanamari mei kabudala, a lului gati i wakewakeke mei eaeada.

3. Ma gati, Mose ma Elia hi lougeletehi, po tauna meitehi hi babani.

4. Apoma Petero Iesu uiahina i bahamai, i pa, Guiiau e, i dewadewa kahota ta memae; apo nugonugom una baha eaka, tauiai kape tonuga kahota to wogoia, tam gehouna, ma Mose gehouna, ma Elia gehouna.

5. Ma geka gati, earoi namanamarina i hopu mai, po tauhi i loutatahi, tauna eohola ei babani; geka gati pona gehouna earoiei i hopu mai i pa, Tau Natue naka a louhotaleni, tauna uiahina nugonugou i kaoha, taumi tauna ona nonori.

6. Ana aniatatiana lawahi hi nonori, apoma tauhi hi guri, amaka hi matouta wahaga.

7. Apoma Iesu i nae tauhi uiahihi i wogonae, i pa, Taumi ona toworo, eega ona matouta.

8. Apoma tauhi matahi hi louwatatehi, eega gehouna hi ta galeni, Iesu tounawa.

9. Tauhi oei hi hopu, ma Iesu tauhi i talagagalihi, i pa, Ginourina taumi o galeni, apega lawa geha uiahina ona i benabenama, lawa Natuna hilagei ina toworo meme apoma.

10. Ana aniatatiana lawahi tauna uiahina hi laubaeada, hi pa, Tomgiruma lawahi i awaka hi pa, Elia apo ina ieinei?

11. Apoma Iesu tauhi uiahihi i bahanae, i pa, Elia apo ina ieinei, tauna ginouri magomagouna apo ina liawara meme.

12. Tau taumi uiahimi a baha mahi, Elia amaka i nei, tauhi tauna ega hi ta hanapugeni, dewa louhotaleni magomagouna hi louhogala uiahina hi dewaia; apo mei nakatouhe lawa Natuna tauhi apo hina i hiniwiueni.

13. Apoma ana aniatati-

ana lawahi hi hanapugeni, Ioane bapatiso bahana uiahina tauna i bahanae uiahihi.

¶ 14. Tauhi patala uiahihi hi geleta, apoma lawa geha i nei tauna uiahina, ei tutuna i tonea, po i pa,

15. Guiau e, natue tam una lounugototogeui, tauna i hawalele, i wiua wahaga; tauna hau maeau kaekaeana i dubadubali, po goila gati.

16. Tauna a neiai om aniatatiana lawahi uiahihi, ma eega hi ta luiawahi.

17. Iesu tauna i bahanae, i pa, Geka hapana ega o ta nonori ma dewahi hi giogio, tau taumi uiahihi a mamae i nae po meanai? tau taumi omi animataibagi a benemi i nae po meanai? tauna tau uiahihi ina neiai.

18. Iesu uiahina i talagagali, apoma demoni tauna i hopu halea; apoma naka ieta hawatana dewela olotona hinina i hegoea.

19. Apoma ana aniatatiana lawahi hi nei Iesu uiahina tauhi touhiawa, hi pa, Awai beinei tauna to wiagahi ma ega i ta hopu?

20. Iesu tauhi uiahihi i bahanae, Taumi omi anitoumagana eegawai eaka; tapa moina, tau taumi uiahihi a baha mahi, apo taumi omi nonora mei sinapi ugonu, apo ona baha geke oea uiahina, Tam unanae noka hoti; tauna apo i ta nae; taumi apega ginouri ona dewahilage.

21. Laupali ma hudi tamoki uiahihi, naka ginouri hi apo hina nae ouheia.

¶ 22. Tauhi ou Galilaia hi lagona nae, Iesu tauhi uiahihi i bahanae, Lawa Natuna tauna lawa ou nimahi apo ina welehi;

23. Tauhi tauna apo hina uni, apo ietai tonuga ina towordo meme, apoma nugonugohi hi wiua wahaga.

¶ 24. Tauhi ou Kepere-nauma hi geleta, apoma telona lawahi hi nei Petero uiahina, hi pa, taumi omi touiatatiana animbenena eega i ta houhouna heiaha?

25. Ma tauna i pa, apo ina dewaia, Tauna numa ou hinena i geleta, apoma Iesu iei bahanae uiahina, i pa, Simona e, i owaka u baha? telo ma animbenena heipuli

wasawasahi meiei apo hina waia, tauhi natunatuhi, po lawa tapuhi heiaha ?

26. Apoma Petero uia-hina i bahamai, Lawa tapuhi. Apoma Iesu i bahanae uia-hina, Naka beinei natunatuhi hi mehota.

27. Ma geka, tauhi tauta beinei apo hina loudubalita, tam unanae hoi goila, po tili uiahina una dubali, iana una iei lawi uiahina una wogoia, gamona una leitatageia, apoma setatara apo una tuhagaia, naka una waia, tauhi uiahihi una welehi, po tam ma tau garitiei.

#### UPUMANA 18.

1. NAKA ietai hawatana ana aniatatiana lawahi hi nei uiahina, hi pa, Eada ou basileiana eiai i loutalagae heiaha ?

2. Iesu dewela i otugehi, po ou nohi i witoworo ;

3. I pa, Moina, tau taumi uiahimi a baha mahi, taumi apega ona buimea, po mei dewela meameana, taumi eada oubasileiana apega ona geleta.

4. Geka, apo lawa geha ina nugodewamea mei geka

dewela keikeina tauna eada basileia ouiahina apo ina loutalagae.

5. Lawa geha dewela mei geka dewela keikei ina loughaleni tau goan tepanei, tauna tau i loughaleu ;

6. Touitoumaganeu lawahi keikeina gehouna, lawa geha tauna ina loudubali, i dewadewa ou gadouna ulo geimana ina duri, po hoi boga ina dubali.

7. Keihoni heipuli lawahi ginouri ina loudubali hi apo ina lougeletea, ma gehouna, aniloudubali ginourina toulougeleteni, keihoni tauna.

8. Apo nimam po aem ina loudubalim ; una bori-halea ; una halea, i dewadewa una geleta hoi aniluiagohana ma nimam emoti, ma daradaram ; i apapoe hau maeau ina dubalim ma nimam luaga po aem luaga.

9. Apo matam ina loudubalim, una mohihalea, ma una halea, i dewadewa una geleta hoi aniluiagohana ma matam emoti, i apapoe hoi Kena ina dubalim ma matam luaga.

10. Ma taumi, tauhi geka maliapeta tulahi gehouna ; eega ona iapapoia ; tapa a baha mahi uiahimi, tauhi hai aneruhi hoi eada, tau Amau matana tauhi he gagalena gawata.

11. Tapa lawa Natuna i nei lawa i lougoadeni, tauna ina luiawahihhi.

12. Ma taumi i owaka o baha ? lawa a mamoe oloto nimitutu hi hilage, apo emoti ina weloupoa, tauna oloto wohepali hi hilage po nima luaga hi tutu po aitutu po wohepali, apega ina hounihi ou oea, ma tauna ina nae mamoea i weloupoa ina beiheni ?

13. Tauna apo ina tuhagaia, Moina, tau taumi uiahimi a baha mahi, tauna i gaoha labatana uiahina, oloto wohepali hi hilage po nima luaga hi tutu po aitutu po wohepali eega hi ta weloupoa uiahihhi i keikei.

14. Mei nakatouke Amami hoi eada, tauna ou nugonugona eega i ta pa, lawa maliapeta apega ina eababa.

15. Apo walehim ina louhinidorem, unanae, tam

ma tauna omi luaga una woidumaruia. Apo tauna ina nonorim, eega tam walehim amaka u tuhagaia.

16. Apo tauna apega ina nonorim, lawa geha omi lugo onanae, po lawa luaga meitehi onanae, po baha ina lei-moinehi lawa luaga hai baha eaka, po lawa tonuga.

17. Tauna tauhi hai lugo apega ina nonorihhi, tam ekalesia lawahi uiahihhi una baheni ; tauna ekalesia lawahi uiahihhi apega ina nonorihhi, tam tauna una waia mei etene lawana, po telona lawana.

18. Moina, tau taumi uiahimi a baha mahi, Ginouri magomagouna hau heipuli apo ona panipani eega, hoi eada gati apo uiahina hina panipani, ginouri magomago-una gati hau heipuli apo ona hoenihhi, hoieada gati apo uiahina hina hoenihhi.

19. Tau gati taumi uiahimi a baha mahi, Apo lawa luaga tulami hai lugo hau heipuli hina louemotea ginouri uiahina hina laupali nae, Amami hoi eada ina welehi tauhi hai lugo uiahihhi.

20. Tapa dobuna apo

lawa luaga po tonuga hina omboina tau goau tepanei, apo tau ma tauhi meitehi.

¶ 21. Apoma Petero i nae tauna uiahina, tauna i pa, Guiau e, mara wapihaga walehiu ina hinidodoreu, ma tauna ana apapoe a paligigili? apo mara nimitutu po luaga hei-aha?

22. Iesu tauna uiahina i bahanae, Tau apega a baha mahi uiahim, mara nimitutu po luaga, ma nimitutu po luaga ina mara nimitutu po luaga.

23. Naka beinei eada basileiana mei wasawasa gehouna, i pa, a ginouri tauna a toupoula lawahi uiahihi ina loubaeadehi.

24. Tauna i loubaeada wawara, gehouna a taleni tausani nima luaga hi tutu uiahina i welea tauna uiahina.

25. Tauna eega ginouri i ta tuhagaia po ina wimeiheni, apoma tauna guiauna i baha uiahina, tauna ina uneia, ma agona, po natunatuna, po a ginouri magomagouna meitehi, po ina wimeiheni.

26. Apoma toupoula tau-

na i guri, po i polou uiahina, tauna i pa, Guiau e, tam nungonugom una leihegoea, po una ototoni, om ginouri apo a wimeihena pahi.

27. Apoma geke toupoula lawana a taniwaga i lounugototogogeni, po i palihaleni tauna tounawa, tauna a mone uiahina i palihaleni.

28. Apoma geke toupoula lawana i nae, toupoula lawana gehouna inehagaia, tauna a denari oloto nimitutu hi hilage i weleni, apoma tauna i uni, po gadouna i tapegigi, po i pa, Ou ginouri tam uiahim una wimeiheu.

29. Apoma geke toupoula lawana ou aena i guri, po i laupali tauna uiahina, i pa, tam una lounugototogoge, om ginouri apo a wimeihena pahi.

30. Ma tauna eega i ta nonori, tauna tulana hau numa pani i wiluia, po tauna a ginouri magomagouna ina wimeiheni.

31. Tauna a lawa gehouhi ginouri tauna a dewa amaka hi nonori, apoma tauhi hi louiogigai, tauhi hi nae, po hai taniwaga ouiahina ginouri

magomagouna i dewaia hi baheni.

32. Apoma tauna a taniwaga i ototugeni, tauna uiahina i pa, Toupoula apapoe, tau ou ginouri magomagouna tam uiahim amaka a palihaleni, u laupalieni eaka ;

33. Tam eega tulam u ta lounugototogeni, mei tau gati, a lounugototogem ?

34. Apoma tauna a taniwaga i louiogigai, tauna dou-dewaguiiau i welehi hina dewaguiageni, po a ginouri magomagouna ina wimeihena pahi.

35. Mei nakatouke Amau hoi eada taumi uiahimi ina dewami, taumi walewalehimi hei apapoemi, taumi apega eamoha ou nugonugona ina paligigiri eaka.

#### UPUMANA 19.

1. IESU geka baha i baha woloeni, apoma Galilaia inehaleni, po ou Iudea heipulina Ioridana nokaheme i geleta.

2. Patala baneina gati ou mulinei hi nae, Apoma tauna tauhi naka dobuna i luiawahihi.

3. Apoma parisea boruhi hi nei tauna uiahina, tauna uiahina i loudadani, tauna uiahina hi pa, Po i owaka lawa geha ginouri magomagouna uiahina agona ina palihaleni ?

4. Apoma tauna i bahanae, uiahihi i pa, Taumi eega o ta hiawi, tauna lawa i ginouri wawara, hai lugo tauna i ginourihi, olotona ma wawinena,

5. Tauna i bahanae gati, Beinei olotona tauna amana ma hinana i palihalehi, ma agona meitehi hi megogona ; apoma hai lugo amaka hinihi emoti ?

6. Apomawai tauhi hai lugo eega hi ta louluageni, tapa hinihi amaka emoti ; gegeka, tauhi Eaubada i wipatihi, apega lawa hina hoea.

7. Apoma tauhi tauna uiahina hi bahamai, I awaka Mose i touligoligogeiai, weihuru girumana ina welea, po tauna ina wihuruia ?

8. Apoma tauna tauhi uiahihi i bahanae, Taumi nugonugomi hi kapala wahaga, eaka Mose i welemi, taumi agoagomi ona weihuruia ;

ma aniwawara hougana eega mei nakapehe.

9. Tau gati taumi uiahihi a baha mahi, Lawa geha agona apo ina haleni, ma tauna ega i ta matamaga, ma wawine tapuna ina lawagi, tauna amaka i matamaga, wawine gati agona ina palihaleni, ma olotona tapuna ina lawagi, tauna gati i matamaga.

10. Apoma ana aniatatiana lawahi hi bahamai tauna uiahina, Apo mei nakapehe olotona ma wawine hai dewa, apega hina tawine.

11. Ma tauna uiahihi i bahanae, Lawa magomagouhi naka bahana, apega nugohi hina waia, tamoki i welehi touhiawa.

12. Tapa eunuka hi guni wawara, tauhi mei nokapehe; ma eunuka gati lawa hi lei-eunukana; ma eunuka tauhi hi leieunukamehi, eada basileia beinei. Apo lawa nugona i waia, apo tauna ina waia.

¶ 13. Tauhi tounoanoa hi neiai tauna uiahina, tauna tauhi ina wogodadanihi malaupali; ma tougunihi ana aniatatiana lawahi hi talagagalihi.

14. Iesu tauhi uiahihi i bahanae, Tounoanoa hina neiai tau uiahiu, tauhi eega ona talagagalihi, Eaubada a basileia lawahi mei tauhi.

15. Tauna nimana uiahihi i wogodadanihi, apoma geka dobuna inehaleni.

¶ 16. Ma geka gati, lawa geha tauna i nei, tauna ouiahina i pa, Touiatatiana dewadewana e, tau awai ginouri dewadewana a dewaia, ma luiagohana tuetueinai apo a waia?

17. Apoma tauna uiahina i bahanae, Tam awaka tau dewadewau u baheni? lawa gehouna eega i ta dewadewa, Eaubada tounawa. Apo luiagohana una louhogaleni eaka, tam ligoligo una woimahi.

18. Lawana i bahamai tauna uiahina, Po meka? Ma Iesu i bahanae, i pa, Eega una umnugo; eega matam ina maga; eega una danene; eega una i benabename koeakoeama;

19. Amam ma hinam una iateadehi; ma om matagabana una lounugototogogeni,

mei tam gati u woimahienamem.

20. Ma hewalina tauna i bahamai tauna uiahina, Tau haburue hougana i nae po tau geke, amaka a hanapugeni, ginouri awai eega a ta dewaia?

21. Iesu tauna uiahina i bahanae, Apo u nugonea om dewa ina dewadewaimahi, unanae tam om gapora una louune higohigoe lawahi una benehi; apoma gapora hoi eada una waia, po unanei tau una imulitagou.

22. Hewalina geke bahana i nonori, apoma tauna i louiogigai po i nae ouheia, a ginouri i maga eaka.

23. Apoma Iesu ana aniatatiana uiahihi i bahanae, Moina, tau taumi uiahihi a baha mahi, waigapora lawana apega ina geleta Eaubada ana ou basileia.

24. Tau gati taumi uiahihi a baha mahi, kamela heau oudomona apo ina lui eagia-gina, ma gaporatouinugowaia, Eaubada ana ou basileia nae-na i kapala wahaga.

25. Ana aniatatiana lawa-

hi amaka hi nonori, ma tauhi amaka hi goholihi, po hi pa, Apo nakapehe ina dewa apo eiai ina luiagohana?

26. Iesu tauhi i galehi, tauna uiahihi i bahanae, i pa, Lawa apega hina dewaia Eaubada tounawa; ginouri magomagouna Eaubada i hanapugeni.

27. Petero i bahamai, uiahina i pa, Geka ginouri magomagouna amaka to palihalea, ma tam uiahihi to imulitagom; ma ginouri awai apo to tuhagaia?

28. Apoma Iesu tauhi uiahihi i bahanae, Moina, tau taumi uiahihi a baha mahi, taumi amaka o imulitagou, apo lawa Natuna ina tugula ana animae woiawa leiwawara hougana, po anitugula nima luaga hi tutu po luaga, taumi apo ona tuguleni, po Isaraela managona nima luaga hi tutu po luaga ona libahibahihi.

29. Lawa geha a numa, po walewalehina, po nounouna, po amana, po hinana, po agona, po natunatuna, po a dobu ina palehalehi tau goaugei, ma ututu dewadewanei tepanei, tauna hau



heipuli mara oloto nimitutu hi hilage apo ina waia, tauna luiagohana tuetueinai apo ina waia.

30. Magomagouhi hi eita-hatahaea apo hina imuli, ma touimuli lawahi apo hina itahaea.

### UPUMANA 20.

1. EADA basileiana mei taniwaga gehouna malatomtomgei i nae, lawa gehouhi meitehi hinai babani, tauna a vine irawoina hina wobagibagi, ma tauna ina wimeihehi.

2. Tauna ma toubagibagi hi wibabani, ietai ma denari emoti, tauna tauhi i himilihi a vine irawoina uiahina.

3. Hawata tonuga tauna i nae, lawa gehouhi tauna i tuhagaia hau legawa hi towotoworo eega hai bagibagi ;

4. Tauna tauhi i baha uiahihi, Taumi gati onanae vine ou irawoina, tau taumi a welemi omi meiha. Apoma tauhi amaka hi nae.

5. Tauna hawata nimitutu po emoti, po nimitutu po wohepali, po mei nakapehe tauna i dewaia.

6. Hawata nima luaga hi tutu po emoti, tauna i nae, lawa gehouhi tauna i tuhagaia, tauhi hi towotoworo eega hai bagibagi, tauna i baha tauhi uiahibi, awaka taumi ietai atapuna o towotoworo gekahoti, ma eega o ta wobagibagi.

7. Tauhi tauna uiahina hi bahamai, Eega lawa i ta bahamai uiahihi. Ma tauna i baha uiahihi, Taumi gati onanae vine irawoina uiahina, taumi apo meihami ona tuhagaia.

8. Amaka aibiga, apoma badana vine taniwagana i pa a toupoula loutalagae lawana uiahina, i pa, Toubagibagi lawahi una otugehi, ma meiha una welehi, tauhi muliei i wabagibagi ina wawara, inae po tauhi hi tahaea.

9. Tauhi ietai hawatana nimitutu po wohepali amaka hi nei, eamoha a denari emoti tauna i welehi.

10. Tauhi hi wobagibagi wawari amaka hi nei, tauhi nugonugohi hi pa, hai meiha apo ina lata ; tauhi gati eamoha a denari emoti.

11. Tauhi amaka hi waia, tauhi taniwagana hi arutugeni,

12. Tauhi hi pa, Tauhi geka muliei hi nei, ietai hawatana emoti hi wabagibagi, ma tam tauhi ma tauiai amaka ei meiha emoemotana u weleiai, tauhi muliei hi wobagibagi, ma tauiai ietai atapuna kabudala i lalaniai ma to wobagibagi.

13. Apoma badana lawa gehouna uiahina i baha, i pa, Haiei, eega a ta hinidodorem; tam ma tau i ta luaga meitehi ta wibabani denari emoti heiaha?

14. Om ginouri amaka una waia, po unanae; tau touawa nugonugou geka muliei i wobagibagi mei tam.

15. Tau touawa ou ginouri, ma awaka tam u loumutubougeu, tau a lounugototogo.

16. Mei nakapehe taumi tauhi hi wimuli apo hina tahaea, ma tauhi hi tahaea apo hina imuli; tapa lawa magomagouhi tuegana amaka hi paliwelehi, ma toubahahi lawahi eega hi ta maga.

¶ 17. Iesu tauna i gae ou Ierusalem, tauna ma ana

aniatatia lawahi nima luaga hi tutu po luaga hi welownihi hoi taeha, tauhi touhawa, tauna uiahihi i pa,

18. Geka, tauta ta gae ou Ierusalem lawa Natuna apo hina moruia, kohena lawahi ma tomgiruma lawahi, apo hina benehi tauhi tauna hina leihilageni;

19. Dobu tapuna lawahi gati apo hina benehi, tauhi tauna apo hina inameni, apo hina kodiri po hina launi po ina hilage, ietai tonuga apoma ina toworo meme.

¶ 20. Sebedaiō natunatuna hinahi tauna i nei, natunatuna ololotohi meitehi, tauna i polou po ginouri geha i laupalieni.

21. Apoma tauna uiahina i pa, Ginouri awai u louhoga leni? tauna uiahina i pa, Tam una pa, natunatue luaga hina memae, gehouna nima hinebawam tuponana ina tuguleia, ma gehouna nima kehakeham tuponana ina tuguleia, tam om basileia uiahina.

22. Iesu i bahanae, i pa, Taumi omi lugo ginourina o laupalieni eega o ta hanapu-

geni. Taumi omi lugo leduna apo a noumaia apo o noumaia gati, bapatisona gati hina bapatisou, taumi omi lugo gati hina bapatisomi? Hai lugo uiahina hi pa, Apomawai apo to dewaia.

23. Iesu hai lugo uiahihi i bahanae, Leduna a noumaia apo ona noumaia gati, bapatisona gati hina bapatisou apo hina bapatisomi, ma nima hinebawau tuponana po nima kehakehau tuponana tugulana, toumbenena eega tau touhiawa Amau i awaeawaeni apo hina waia.

24. Nimaluaga hi tutu amaka hi nonori, walehina hai lugo louioegeieghi hi louiogiai.

25. Iesu tauhi i otugehi po i bahanae uiahihi, Taumi amaka o hanapugeni, dobu tapuna babadahi, tauhi he wibabadahi, tauhi touhiawa ponahi he lalata.

26. Ma taumi eega noka-pehe, gehouna taumi uiahimi ina loutagae, taumi omi toupoula lawana tauna,

27. Taumi uiahimi lawa gehouna tahatahaea louhoga-

lana apo ina louhogala, taumi magomagoumi toupoulemi lawana tauna.

28. Tapa lawa Natuna, eega i ta nei tauna lawa hina i toupouleni, ma tauna i nei lawa uiahihi ina i toupoulehi, ma luiagohana gati i palihaleni lawa magomagouhi ia-wehi i peri, po hina luiagohana tauhi.

¶ 29. Ieriko hina welowiwili, ma patala baneina hi mulitagoia.

30. Geka gati, matakeke lawahi luaga hau taeha hi tugutugula, hai lugo hi nonori Iesu enenae, apoma tauhi hi ototu, hi pa, Guiau e, Davida natuna una lounugototogoeiai.

31. Lawa magomagouhi hai lugo hi loulahahi, tauhi hina genuana; hai lugo amaka hi ototu lapatana, hi pa, Guiau e, Davita natuna una lounugototogoeiai.

32. Apoma Iesu i toworo, hai lugo hi otugehi, tauna i pa, Taumi omi louhogala o louhogaleni, tau i awaka a dewami.

33. Apoma hai lugo uia-

hina hi pa, Guiau e, ei luaga mataiai una likaeaia.

34. Apoma Iesu i lounu-gototogogehi, po ou matahi i wodadani, apoma matahi hi kaea, po Iesu uiahina hai lugo hi mulitagoia.

### UPUMANA 21.

1. TAUHI Ieruselema amaka hi tulabena, Betepage hi geleta Oliveta ou oeana, tauna ana aniatatiana lawahi luaga i himililihi,

2. Tauna hai lugo i pa, Taumi onanae meagai ou nomi, apo asini ona galeni i duri, ma natuna meitehi; ona lubeni po ona weluweiaia.

3. Lawa geha taumi omi lugo uiahimi ina bahamai, ma ona pa, Guiau i nugonea; apoma tauna i amtahepa po ona neiai.

4. Geka ginouri amaka i wogeletea, peroveta lawana a baha ina wogeletea i bahamai, i pa,

5. Taumi Siona natuna wawinena ona baha uiahina, geka om Wasawasa amaka i nei uiahim, tauna i nugolou-

go, tauna asini ou tepana i tugula, asini natuna gati.

6. Apoma ana aniatatiana lawahi luaga hi nae, tauhi hai lugo Iesu bahana i baheni i dewaia.

7. Tauhi hai lugo asini po natuna gati hi weluweinihi, tauhi hai gara ou tepana hi lautoula, ma Iesu i tugula geleta ou tepana.

8. Patala baneina hai gara hau taeha hi lautoula, gehouhi maeau lagahi hi wowora ma hi lautoula ou taeha.

9. Patala tauna ou nona tounae, ma touimulitagoia hi ototu, tauhi hi pa, Hosana Davida natuna; Tauna ina luiagohana Guiau goanei i nei. Hosana ou moeawahagina dobuna.

10. Tauna ou Ieruselema i geleta, naka dobuna lawahi tauna hi gamogahigahieni, tauhi hi pa, Geka eiai?

11. Apoma patala hi baha dobuna uiahina, Geka Iesu peroveta Naseretei ou Galilaia.

¶ 12. Iesu numa dalapu ou hinena i geleta, tauna toulouune lawahi i wiagaho-

punehi, tauhi mone touiawe-  
periperihi hai patai awalabuia,  
atana toulouune gati hai ani-  
tugula i hiwogabuia.

13. Tauna tauhi uiahihi i  
bahanae, Amaka i giruma,  
Tau ou numa anilaupali, ma  
taumi o woia tomhalohalo hai  
anima.

14. Tauna hoi numa da-  
lapu, matakeke lawahi, ma  
daradara lawahi hi neiai uia-  
hina, tauna tauhi i luiawahihhi.

15. Kohena lawahi wota-  
lagaehi, ma toumgiruma la-  
wahi amaka hi galeni, Iesu  
dewa manini i dewaia, loga-  
logahi gati hoi numa dalapu  
hi ototu, hi pa, Hosana  
Davida natuna, apoma nu-  
gonugohi hi wiua wahaga,

16. Tauhi tauna uiahina  
hi bahamai, Hai baha amaka  
u nonori? Iesu tauhi uiahihi  
i bahanae, Ombo, eega o ta  
hiawi heiaha, logaloga mea-  
meahi po logaloga guguhi,  
daludalu lougona ou gamohi  
amaka u houni?

17. Apoma tauna tauhi i  
wotoworo halehi, tauna i nae  
meagai ouputa, tauna ou Be-  
tania i geleta, ma i memae  
uiahina.

¶ 18. Haumalatomtom ta-  
una inememe ou meageina,  
tauna am i hilage.

19. Tauna keiaha gehouna  
taeaha ou lialiana i galeni,  
tauna amaka i geleta, ma ega  
ugona i ta tuhagaia, luguna e  
awa, Iesu i bahanae keiahana  
uiahina, i pa, Tam ugom  
apega una ugo i nae po  
hougana tuetueinai. Apoma  
keiahana i poi.

20. Ana aniatatiana la-  
wahi amaka hi galeni, apoma  
tauhi hi goholihi, ma hi pa,  
Geka keiaha maraemoti i poi!

21. Iesu tauhi uiahihi i  
bahanae, i pa, Moina, tau  
taumi uiahini a baha mahi.  
Apo taumi ona witoumaga,  
ma nugonugomi eega hina  
maga, apoma ona dewaia,  
apega keiaha tounawa taumi  
ona dewaia, ma ginouri mago-  
magouna, apo taumi gati geke  
oea ona pa, Tam una wohe-  
pam, po boga ou teipolina  
ina dubalahopunem, apoma-  
wai.

22. Ginouri magomagouna  
apo ona laupalieni ma ona  
witoumagana, taumi apo ona  
tuhagaia.

¶ 23. Iesu numa dalapu

ou hinena i geleta, kohena lawahi wotalagaehi, ma toulalai hi nei uiahina, tauhi hi bahamai, hi pa, Eiai a manininei naka ginouri tam u dewaia? Eiai a manini i welem po geke ginouri u dewaia.

24. Iesu tauhi uiahihi i bahanae, i pa, Baha emoti gati taumi uiahimi a laubaeademi, taumi tau uiahiu ona bahamai, apoma tau gati taumi uiahimi a paliwelemi, tau geke ginourihia a dewaia.

25. Ioane a bapatiso meiei, eadei i nei heiaha? po lawa uiahihie i nei heiaha? Tauhi touhiawa hi babani, hi pa, Apo ta pa, Eadei i nei; tauna gati apo ina pa, Taumi tauna uiahina awaka eega o ta nonori.

26. Apo gati ta pa, Lawa uiahihie i nei; Patala ta matoutehi, tapa lawa magomagouhi hi pa, Ioane tauna peroveta lawana.

27. Tauna Iesu uiahina i bahamai, i pa, Tauiai eega to ta hanapugeni, Iesu gati tauhi uiahihi i bahanae, i pa, Tau gati manininei ginourihia a dewaia, apega taumi uiahimi a paliwelemi.

28. Taumi ioawaka o baha? Lawa geha natuna luaga; tauna i nae toutowoga uiahina, i pa, Haiei, ataima unanae, tau ou vine irawoina una bagibagi.

29. Toutowoga tauna uiahina i bahamai, i pa, Tau a loughinigai, apoma muliei nugonugona i hegoea, ma i nae.

30. Tauna i nae natuna gehouna uiahina, bahana mei nakapehe i baheni. Apoma tauna i bahamai, i pa, Guiau e, apo a nai, ma ega i ta nae.

31. Tauhi hai lugo amahi eiai a baha i wotagoia. Tauhi tauna uiahina hi bahamai, hi pa, Toutowoga. Apoma Iesu i bahanae tauhi uiahihi, i pa, Moina, tau taumi uiahimi a baha mahi, telona lawahi, ma wiwinehi wihora magamaga, apo hina itahaea taumi uiahimi Eaubada a basileia uiahina.

32. Tapa Ioane amaka i nei, dewa dumalu lawahi hai taeha amaka iatatiemi, ma taumi tauna uiahina eega o ta nonori, telona lawahi po wiwinehi wihora magamaga amaka hi nonori, taumi tauna

amaka o galeni, ma nugonugomi eega o ta buia, ma ota nonori uiahina.

¶ 33. Taumi ona lautani-ganeu, parabole gehouna a paliwelemi, Manago gehouna hai taniwaga tauna vine irawoina i ugohi, po tauna i gali wiwila, vine mahihinana gati i halaia, ma anigalenaitete i wogoea, vine toubagibagi uiahihi i welehi, ma tauna i nae dobu mawadaodaona.

34. Ugonu hougana amaka a tahi ikuku, tauna a toupoula lawahi i himilihi, vine ugohi hina waia, vine toubagibagi uiahihi.

35. Tauhi toupoula lawahi hi womomohi, po hi kodilihi, tauhi toupoula lawana gehouna hi uni, ma gehouna geimei hi launi.

36. Tauna a toupoula lawahi magomagouhi i himilamehi, tauhi gati i dewaia mei nokatouke.

37. Tauna natuna dumana muliei i himili tauhi uiahihi, tauna nugonugona i pa, Tauhi tau natue apo hina iateadeni.

38. Tauhi vine toubagibagi, tauna wogana hi talaia, hi pa, Tano taniwagana geka,

tauna ta na uni po ina hilage, apoma toutiata i ta tano ta waia.

39. Apoma tauhi tauna hi uni, po hi halena-hopuneni ouputa.

40. Geka, vine taniwagana apo inanei, tauna ioawaka apo ina dewa vine toubagibagi uiahihi.

41. Tauhi tauna uiahina hi bahamai, hi pa, Tauna vine toubagibagi apo ina uni pahihhi, vine tanona lawa tapuhi ina welehi, tauhi vine ugohi bolima magomagouna hina neieni tauna uiahina.

42. Iesu tauhi uiahihi i bahanae, i pa, Taumi geka girumana eega o ta hiawi heiaha, i pa, Gaima numa touwogona lawahi hi halea, amaka i waia, po aniloumutu geimana, Guiau nakatouke i dewaia, tauta ta galeni, apo ta goholita ?

43. Beinei a baha mahi taumi uiahihi, Eaubada a basileia uiahihi apo ina haloa, dobu tapuna ina welea, naka dobuna apo ina ugo po ina neiai.

44. Lawa geha geka gaima ou tepana uiahina ina peu,

tauna apo ina gunagunatoui, ma lawa geha gaima apo ina peu uiahina, tauna apo ina i loumutumutuia.

45. Kohena babadahi, po parisea boruhi, tauhi amaka hi nonori, Iesu i baha parable tauhi uiahihi.

46. Apoma tauhi tauna hi pa, hina uni, ma patala matoutana hi matouta ; tapa lawa magomagouhi hi pa, Iesu tauna peroveta lawana.

UPUMANA 22.

1. IESU parable gehouhi i paliwelena, tauna tauhi uiahihi i bahanae, i pa,

2. Eada basileiana mei wasawasa gehouna tauna natuna humagodana i dewaia,

3. Tauna a toupoula lawahi i himilihi hina paliwelehi lawa goahi amaka hi atoni, tauhi hina nei natuna anou humagoda, ma tauhi eega hi ta nei.

4. Tauna a toupoula lawahi gehouhi i himilamehi, tauna i baha a toupoula lawahi uiahihi, i pa, Taumi onanae, ona baha lawa goahi amaka a eatoni, Geka, tau amaka a

wononogo ; ou bovi, po ou gamogamo hahanahi amaka hi uni pahihi, onanei hoi humagoda.

5. Ma tauhi hi loumutubougehi, tauhi hi nena eamoha a taeaha, lawa gehouna i nena ana ou dobu, ma gehouna i nae e lougabo.

6. Ma gehouhi, tauhi tauna a toupoula lawahi hi unihi, po hi omnugo.

7. Wasawasa amaka i nonori, tauna i uioni gigai labatana, apoma tauna a touwigauia i himilihi naka lawahi hina uni pahihi, ma hai meagai gati, hina apapua maeau kaeakaea uiahina.

8. Apoma tauna a toupoula lawahi i baha uiahihi, i pa, Lawa goahi a eatoni geka humagoda eega hi ta dewadewa.

9. Geka, taumi onanae, taumi tauhi o galehi hoi taeaha baneina, geka humagoda ona paliwelehi uiahihi.

10. Tauna a toupoula lawahi amaka hi nae, tauhi lawa hi galehi ma hi baha uiahihi, apoma apapoe lawahi, po dewadewa lawahi mago-



magouhi himboina mai, naka dobuna amaka i hogoia hi loutetera po hi mam.

11. Apoma wasawasa i geleta, tauna i galena haga-hagawila lawa magomagouhi hi loutetera, po hi mam, tauna lawa gehouna i galeni luilui tapuna i luia, ma ega humagoda luiluina i ta luia.

12. Tauna i baha lawana uiahina, Haiei, i owaka u geleta ma luilui tapuna u luia, ma ega humagoda luiluina, Tauna eega ponana.

13. Apoma wasawasa tou-poula lawahi i baha uiahihi, Taumi tauna lawana aena po nimana ona panipani, ma ona awara tauna ugua ouputa ona dubalahopuneni, uiahina ina hidahida ma niuwona ina amhanagidiana.

14. Tapa, lawa magomagouhi tuegana amaka hi paliwelehi, ma toubahahi eega hi ta maga.

¶ 15. Parisea lawahi tauhi hi babani, hi pa, i owaka tauhi tauna ponanei hina moluia.

16. Tauhi hai aniatatiana lawahi po Herodiano lawahi

meitehi hi himilibi, tauhi hi nei tauna uiahina, hi pa, Touiatatiana e, amaka to hanapugem om baha i dumalu, Eaubada a taeha amaka u iatatianaimahieni, lawa eega u ta matoutehi, eega u ta lounugototogo lawa emoti tounawa, ma lawa magomagouhi u lounugototogehi.

17. Geka, tam una bahamai uiahihi, tam nugonugom i owaka? Kaisara animbenena ta weleni, po apega heiaha?

18. Tauhi hai koeakoeama tauna amaka i hanapugeni, po tauna tauhi mahihi i bahanae, i pa, Taumi lawa koeakoeama, awai beinei o loudananiu?

19. Animbenena monena emoti onauiai, po tau a galeni, Apoma tauhi denari hi weleni tauna uiahina.

20. Tauna tauhi uiahihi i bahanae, i pa, Eiai a wekiwekilalana ma a girumana geka?

21. Tauhi uiahina hi pa, Kaisara galinei, Iesu uiahihi i bahanae, i pa, Geka, Kaisara galinei Kaisara uiahina ona weleni, Eaubada galinei

gati Eaubada uiahina ona weleni.

22. Tauhi amaka hi nonori, apoma tauhi hi amhuna, tauhi tauna hinehaleni, ma hi nae ouheia.

¶ 23. Naka ietana Sadukea lawahi hi nei tauna uiahina, tauhi hai nugotuhu, lawa hilagei apega hina toworo meme, tauhi tauna uiahina hi laubaedeni,

24. Hi pa, Touiatatiana e, Mose i bahamai, i pa, Lawa geha agona ina hilage ma ega natuna, tauna walehina humau hiwapena i lawagi, natuna apoma i guni, tauta ta pa, toutouoga natuna.

25. Walewalehina nimitutu po luaga uiahiai; toutouoga i tawine, po tauna i hilage ma ega natuna, apoma hiwapena i weleni walehina gehouna.

26. Wiluaga, po witonuga nokapehe gati, tauhi magomagouhi nimitutu po luaga mei nakapehe.

27. Tauna wawinena muliei i hilage.

28. Toworo meme hougana ina geleta, tauhi hina

toworo memai, tauna eiai agona? tapa tauhi nimitutu po luaga tauna hi lawageni.

29. Iesu tauhi uiahihi i bahanae, i pa, Taumi omi anipoaia geke eega heiaha? taumi baha hi giruma eega o ta hanapugeni, ma Eaubada a manini gati.

30. Tapa tauhi hilagei apo hina toworo mehi, apega hina tawine, tauhi mei eada aneruhi.

31. Hilage lawahi hai toworo meme, Eaubada pona uiahimi eega o ta hiawi heiaha? tauna i bahamai, i pa,

32. Tau Aberahamo a Eaubada, po Isaako a Eaubada, po Iakobo a Eaubada, Eaubada eega hilage lawahi hai Eaubada, ma luiagohana lawahi hai Eaubada.

33. Patala Iesu baha parable amaka hi nonori, tauhi amaka hi amhuna.

¶ 34. Parisea lawahi hi nonori, Sadukea boruhi Iesu meitehi hi babani, ma pona hi eegawai hi ta bahanae, apoma parisea lawahi hi nei Iesu uiahina.

35. Gagaeo touiatatiana lawana gehouna i loubaeda dadani Iesu uiahina, i pa,

36. Touiatatiana e, Ligo-ligo hoi lougagaeo meka i loutalagae wahaga heiaha?

37. Iesu tauna uiahina i bahanae, i pa, Guiau om Eaubada una louhogaleni ma nugonugom atapuna, ma alugom atapuna, ma nugotuhum atapuna.

38. Noka ligoligona i loutolagae wahaga.

39. Wiluagana gati noka-touke, Tam om matagabana una louhogaleni, mei tam toumawa u louhogalem.

40. Lougagaeo magomagouna, po peroveta gati, Ligoligo luaga naka hai babana.

¶ 41. Parisea lawahi himboina mai, Iesu tauhi uiahihi i laubaeadehi, i pa,

42. Taumi nugonugomi i owaka, Keriso eiai natuna heiaha? tauhi tauna uiahina hi bahamai, hi pa, Davida natuna.

43. Iesu tauhi uiahihi i bahanae, i pa, Geka, ma i owaka Davida i baheni, ma

Alugo Woiawa meitehi, i pa, tau ou Guiau i bahamai, i pa,

44. Eaubada i bahanae tau ou Guiau uiahina, i pa, Nima hinebawau una tuhuna, tam touiolelem a houni po aem anituitoworo dobuna.

45. Geka, Davida Keriso goana i atoni, Guiau, ma i owaka hi pa, tauna natuna?

46. Tauhi eega ponahi, ma ega lawa emoti i bahamai uiahina. Apoma naka ietana eega lawa geha i ta laubaeada meme tauna uiahina.

#### UPUMANA 23.

1. IESU i bahanae patala po ana aniatatiana lawahi uiahihi,

2. I pa, Toumgiruma lawahi, po parisea lawahi, Mose ananituhuna uiahina hi tugula geleta ou tepana.

3. Taumi ona nugohiahiawa, ginouri tauhi hi bahamai uiahihi, ona dewaia ma ona nugohiahiaweni, ma hai dewa gati eega ona imulitagoi, tapa tauhi hi bahamai, ma ega hi ta dewaia.

4. Aniwara witai i awara

hilage, tauhi lawa ou gadouhi hi houni uiahihi, ma tauhi nima kikihi apega hina wita-guhi.

5. Tauhi hai bagibagi magomagouna hi waia, tapa lawa magomagouhi hina gagalehi, tauhi hai pilateri hi wiawatahi hai gara ou lialiana hi wilataia.

6. Dobu wotalagae aniloutetera ma hi mam gogona, tauhi hi kaokaoha uiahina, po anitugura wotalagae gati hoi sunago,

7. Po tauhi hau legawa hina lounugototogogehi, lawa magomagouhi hina bahehi, Rabi e, rabi e.

8. Ma taumi, eega ona bahemi taumi rabi, tapa omi touiatatiana emoti, tauna Keriso, ma taumi walewalehimi.

9. Ma gati, eega lawa hau heipuli ona baheni tauna amami, tapa Amami emoti, tauna hoi eada.

10. Ma gati, eega ona bahemi taumi touiatatiana, tapa omi touiatatiana emoti, tauna Keriso.

11. Lawa gehouna taumi ouiahimi ina loutalagae, taumi omi toupoula lawana tauna.

12. Lawa gehouna tauna i baha tauna ige wahaga, tauna naka i keikei wahaga, ma lawa gehouna i baha tauna i keikei, tauna naka apo ina ge wahaga.

¶ 13. Keihoni taumi toumgiruma borumi, po parisea borumi, taumi lawa koeakoeama! taumi eada basileia o guduia lawa uiahihi, tapa taumi apega ona geleta uiahina, ma lawa hina geleta uiahina o talagalihhi.

14. Keihoni taumi toumgiruma borumi, po parisea borumi, taumi lawa koeakoeama! hiwahiwapehi hai numa gaporahi hi wikokowi, laupali gati o lidaoia omi koeama dewami, uiahina omi meiha apapoe o wilataia.

15. Keihoni taumi toumgiruma borumi po parisea borumi, taumi lawa koeakoeama! boga po heipuli amaka i hogoia, o welawelau lawa geha ina buia, po tauna o tuhagaia eaka, taumi tauna o woia mei Kena lawana ana apapoe o wilataia uiahimi.

16. Keihoni taumi matakeke lawahi touwelowinihi! hi bahamai, Tauna numa

dalapu uiahina i baha guara, apegawai; ma tauna numa dalapu auroa apo ina wogomomohi.

17. Bua matakeke lawahi; tapa meka i loutalagae, auro heiaha? po numa dalapu auroa i wiwoiaweni heiaha?

18. Ma gati, Tauna pata animbenena ouiahina i baha guaraia, apegawai; ma tauna animbenena pata ou tepana ouiahina i baha guaraia, apo ina wogomomohi.

19. Bua matakeke lawahi; tapa meka i loutalagae, animbenena heiaha? po animbenena patana animbenena uiahina i wiwoiaweni heiaha?

20. Geka, tauna animbenena patana ouiahina i baha guaraia, tauna pata po ginouri magomagouna gati ou tepana amaka i baha guaraia;

21. Tauna gati numa dalapu ouiahina i baha guara, tauna uiahina gati i baha guara, ma Eaubada uiahina e mamae.

22. Tauna gati eada uiahina i baha guara, tauna Eaubada ana animae ouiahina i baha guara, Eaubada uiahina e tuhutuhuna.

23. Keihoni taumi toumgiruma borumi po parisea boruhi, taumi lawa koeakoeama! mili, po aneto, po kumina, naka ginouri winima luaga hi tutuna o benena, ma baha wotalagaehi hoi lougagaeo taumi ega o ta dewaia, dewa dumalu, po nugototogo, po baha moina, i dewadewa geka ginouri ona dewaia, naka ginouri meitehi ona dewaia.

24. Taumi matakeke lawahi touwelowinihi, taumi moeoti o leiononaia, ma kamela atapuna o laumehaia.

25. Keihoni taumi toumgiruma borumi po parisea borumi, taumi lawa koeakoeama! taumi wedu po gaeba oupuhi o liieuieuhi, ma ou hinena amaka i hogoia ginourih i o haloea ma dewa apapoe.

26. Tam parisea lawana matakeke lawana wedu po gaeba ou hinehi una iei liieuieuhi, apoma oupuhi meitehi hina ieuieui.

27. Keihoni taumi toumgiruma borumi, po parisea borumi, taumi lawa koeakoeama! tapa omi dewa mei kokoaga oupuhi hi wakewakeke, ma hai tou hagi, ma ou

hinehi amaka i hogoia boboea lawahi hai geamihi, ma ginouri apapoe magomagouna.

28. Taumi mei nakapehe, taumi mei dewa dumalu lawahi lawa ou nohi, ma nugonugomi ou hinena amaka i hogoia, koeakoeama po dewa apapoe.

29. Keihoni taumi toumgiruma borumi, po parisea borumi, taumi lawa koeakoeama! peroveta lawahi hai kokoaga taumi o nomtupola, ma dewa dumalu lawahi hai tupola o woimahiehi.

30. Ma taumi o pa, Tauiai amameiai houganana to ta memae, po peroveta lawahi hi omnugokehi, apega tauiai tauhi meitehi.

31. Geka, taumi uiahimi o wibenabenamemi, tauhi peroveta lawahi hi omnugo taumi hai natunatuhi.

32. Taumi gati, amamami hai aniluana taumi o wihogoia.

33. Taumi mota, mota woeahiahihi natunatuhi, Kena animeiha i owaka taumi ona lowolowo.

34. Geka, beinei peroveta

lawahi a himilihi uiahimi, po hanapu lawahi, po toumgiruma lawahi, taumi tauhi ehouhi o omnugo ma o uisa-taurohi; ma gehouhi, taumi tauhi o kodilihi omi sunago uiahimi, taumi tauhi o wagahi hau meagai geha ma meagai geha.

35. Dewa dumalu lawahi hai tala ou heipuli o wihiwogi ina wogeletea uiahimi, Abelu dewa dumalu lawana talana i wawari, Sakaria Barakaio natuna talana ina wogeletea uiahina, taumi tauna pata animbenena po numa dalapu gaogaona uiahina o omnugo.

36. Moina, tau taumi uiahimi a baha mahi, geka ginourihi hina wogeletea geka hapana uiahina.

37. Ierusalem e, Ierusalem e, tauhi peroveta lawahi hi omnugo, ma tauhi i himilihi uiahim geimei u i lawihi; tau nugonugou natunatum a gogonihi mei kekeleko ma natunatuna ou apapena gaboulina i lougogonihi, ma taumi o holamibota.

38. Geka, taumi omi numa

amaka o nehaleni, po hina kuaeaia.

39. Tapa tau taumi uia-himi a baha mahi, tapa taumi tau apega ona galenameu, taumi apo ona bahamai, Tauna ina luiagohana Guiiau goanei i nei.

#### UPUMANA 24.

1. IESU hoi numa dalapu i hopu halea, Apoma ana aniatatiana lawahi hi nei uia-hina po numa dalapu numahi hi baheni.

2. Iesu tauhi uiahihi i bahanae, Taumi geke ginouri magomagouna eega o ta galeni heiaha? Moina, tau taumi uiahihi a baha mahi, gaima gehouna apega geima gehouna ou tepana ina mae magomagouhi apo hina loudubalahopunehi ou babana.

3. Tauna Olive ou oeana i tugula, Apoma ana aniatatiana lawahi touhiawa hi nei uiahina, tauhi hi pa, Tam tauiai una paliweleiai geke hougana meanai apo ina wawara? tam apo una hopu mai wekiwekilalana awai apo

to galem, ma heipuli ina eababa hougana gati?

4. Iesu tauhi uiahihi i bahanae, i pa, Taumi ona woimahi apo hina koeamemi.

5. Tapa, tauhi magomagouhi tau goaugei apo hina nei, tauhi hi pa, Tau Keriso, tauhi lawa magomagouhi apo hina koeamehi.

6. Uitona po gauia tuegahi apo ona nonori eega ona matouta, geke apo hina iei wawara, ma hougana iohola.

7. Dobu geha he uigauia dobu geha uiahina, po basileia geha he uigauia basileia geha uiahina, gomala, ma togo, ma guhuguhu, apo hina geleta hoi dobu geha ma dobu geha.

8. Naka ginourihhi hougana apapoe wahaga wimatahunanana.

9. Tauhi taumi apo hina weluwinihi po louhinidodora uiahina, apo hina unimi, Taumi dobu magomagouna apo hina ihinigeigeimi tau goau tepanei.

10. Geke hougana lawa magomagouhi apo hina lou-

dubadubali, lawa geha apo ina moruia lawa geha, ma apo hina nuanuagugulena-mehi.

11. Peroveta koeakoe-ama lawahi magomagouhi apo hina nei, lawa magomagouhi tauhi apo hina koeakoe-amehi.

12. Lawa magomagouhi nugonugohi gati hi waeawa-eau, apapoe i lata eaka.

13. Ma lawa geha ina meimahi i nae po houga mulina, apo luiagohana ina tuhagaia.

14. Ma gati, basileia tu-ega dewadewana dobu magomagouna apo ina iei pali-welehi, dobu magomagouna wekiwekilalana uiahihi, apo-ma houkana mulina apo ina geleta.

¶ 15. Ginouri apapoe wahaga anigunagoludahi apo ona galeni, mei Daniela peroveta lawana i baheni, dobu woiawa uiahina i toworogeni (tou hiawi ina nugonugotuhu) ;

16. Naka houkana tauhi hi nae hoi Iudea, tauhi hina lowo gae ou oea ;

17. Tauna numa ou moe-ana apega numa ou hinena ina hopu, apega ina geleta anou numa po ginouri ina waia ;

18. Tauna ou pitapita apega ina nememai po a gara ina waia.

19. Keihoni wawine goigoibahi, ma toutouauhi tauna houganei.

20. Taumi ona loupali goubouma houganei apega ona lowo, po hoi sabati.

21. Tauna houganana i apapoe wahaga, loloa Eau-bada ginouri magomagouhi ou heipuli i matahuneni wawara houkana, inei po geka houkana, ina po houga mulina apega nokatouke.

22. Naka houkana Guiiau eega ina leikukuia ; apega lawa emoti ina luiagohana ; tapa toubiheina lawahi tepahiei apo hina woidedeanehi, uiahinei geka houkana apo ina leikukuia.

23. Houganana uiahina lawa gehouna taumi uiahimi apo ina bahamai, ina pa. Keriso geka ; po ina pa, Keriso noka ; apega ona nonori.



24. Keriso koeakoeamahi apo hina nei, ma peroveta koeakoeamahi tauhi wekiwekilalana baneihi, ma dewa manini Iesu toubahahi lawahi apo hina koeamehi po nugonugohi hina buia.

25. Geka, tau taumi uiahimi a iei bahemi.

26. Apo tauhi hina bahamai taumi uiahimi, Geka, tauna hoi pitapita eabaeababa e memae; taumi eega onanae uiahina; geka, tauna hoi papanoea, taumi eega ona nonori uiahina.

27. Tapa, mei namana-mali tupa kaluapugei i nei, tauna eaeahi i haleni tupa ealasi uiahina, mei nakatouke lawa Natuna apo ina nei.

28. Tapa dobuna boboea lawana hinina e memae, aeto apo hina nunuia.

29. Houga apapoena ina kokoe, muliei kabudala apo ina i didibalena, uamahia gati apega ina loudila, eada ubonahi apo hina peu, eada ginourihi gati apo hina iguhugu.

30. Apoma lawa Natuna eada wekiwekilalana hina ga-

leni, apoma heipuli manago magomagouna hina tou gonugonua, apoma lawa Natuna tauhi hina galeni earoiei inane i a manini baneina ma a namanamarina.

31. Tauna a aneru magomagouhi apo ina himilihi tauhi toupalidedeana lawahi, togoa wohepali matahie i apo hina gogonihi heipuli tigana gehouna.

¶ 32. Keiaha parabole ona nugotuhua, napinapina ina lahahi, po luguna i woeawahana, apoma ona hanapugeni mamabom amaka a tahi i kuku.

33. Mei nakatouke taumi ona galeni, ginourihi hina wawara apoma ona hanapugeni, amaka tauna a tahi i kuku.

34. Moina, tau taumi uiahimi a baha mahi, Geka hapana apega hina kokoe geka ginouri magomagouna hina lougeleteni.

35. Eada ma heipuli apo hina eababa, ma tau ou baha apega ina eababa.

36. Geka ietana ma geka hougana, gehouna apega ina hanapugeni, po eada aneruhi,

apega hina hanapugeni Amanawana tounawana.

37. Mei Noa hougana mei nakatouke lawa Natuna houganei inanei.

38. Mei boga baneina hougana eohora, tauhi hi mam po hi uma, tauhi hi lawagi po hi witawinena, inae po Noa i lui geleta wam ou hinena.

39. Tauhi gati eega hi ta hanapugeni i nae po boga baneina ina geleta, tauhi magomagouhi amaka hi halele; mei nakatouke lawa Natuna apo inanei.

40. Tauna hougana lawa luaga ou pitapita gehouna apo ina welowaia, ma gehouna apo ina mamae.

41. Wawine luaga sitona aniakana tauhi hi eakaeaka gogona, gehouna apo ina welowaia ma gehouna apo ina memae.

42. Naka taumi ona woi-mahi po oneiau; tapa taumi apega ona hanapugeni, taumi omi taniwaga ieta hawatana meanai inanei.

43. Taumi geka ona hanapugeni, apo manago hai ta-

niwaga i ta hanapugeni po didibala hawatana meanai toudanene lawana inanei, po tauna a numa i tagalenaimahieni ma ega i ta houni ina halaia.

44. Naka beinei taumi ona wononogo; tapa ietai hawatana eega o ta nugonugotuhu uiahina apo lawa Natuna inanei.

45. Toupoula lawana eiai a dewa i hagi ma i hanapu, tauna a taniwaga i baheni, tauna a toupoula lawahi ina galenaimahiehi ietai hawatahi hai am ina welehi.

46. I dewadewa naka toupoula lawana tauna a taniwaga inanei tauna i tuhagaia mei nakatouke i dewaia.

47. Moina, tau taumi uia-himi a baha mahi, tauna a ginouri magomagouna hina itaniwaganeni.

48. Ma toupoula lawana apapoena ou nugonugona apo ina pa, ou taniwaga iohola enena.

49. Apoma tauna tulahi toupoula lawahi gehouhi i unihi, tauhi touuma bubua meitehi hi am po hi uma gogona.

50. Naka toupoula a taniwaga ietana tauna eega i ta eawacawaeni uiahina apo inane, ma ietai hawatana ega ita hanapugeni,

51. Apoma tauna a taniwaga hina iapapoia, ma tauna a meiha apo ina waia ko-eakoeama lawahi meitehi; ouiahina tou ma niuwahi hina amhanagidiana.

#### UPUMANA 25.

1. TAUNA houganana eada basileiana mei guguhinihi nima luaga hi tutu, tauhi hai lamepa hi waia, tauhi hi nae toutawine wouwou lawana hiana galeni.

2. Tauhi nimitutu hi hanapu, ma gehouhi nimitutu hi bua.

3. Tauhi hi bua hai lamepa hi waia, ma ega wagatu ilena.

4. Ma tauhi hi hanapu hai lamepa hi waia, wagatu ilehi meitehi.

5. Toutawine wouwou lawana iohola enenae, apoma tauhi amaka hi eadaeada pahih, amaka hi eno.

6. Hau didibala bolinai noea amaka i geleta, Geka toutawine wouwou lawana tauna enenei; taumi onanae uiahina ona kaleni.

7. Apoma guguhinihi tauhi hi toworo pahih, hai lamepa hi dewaimahieni.

8. Apoma bua guguhinihi hanapu guguhinihi uiahihi hi baha, Taumi omi wagatu ona weleiai; ei lamepa he boho-boho eega wagatu eaka.

9. Ma hanapu guguhinihi tauhi hi bahamai, hi pa, Ei wagatu eega hi ta lata eaka apega to welemi, i dewadewa taumi onanae touloukapo uiahihi, omi wagatu ona gimalaia.

10. Tauhi amaka hi nae, hai wagatu he gimalaia, apoma toutawine wouwou lawana amaka i geletai; tauhi toutawiwouwou lawana touwono-nogogeni tauhi meitehi hi lui gogona numa ou hinena humagoda uiahina, apoma matetana i guduia.

11. Muliei, guguhini bua tauhi amaka hi nei, tauhi hi pa, Guiau e, guiau e, gudu una hoea po to geletahi.

12. Ma tauna i baha, i pa,

Moina, tau taumi uiahimi a baha mahi, tau eega a ta hanapugemi.

13. Beinei taumi oneiau ma matami hina kaea, tapa eega o ta hanapugeni ietana po ietai hawatana lawa Natuna apo inanei.

¶ 14. Mei lawa gehouna gati iwitoutoumana nae, tauna a toupoula lawahi i otugehi, tauna a ginouri tauhi uiahihi i gutahi.

15. Tauna a toupoula gehouna taleni nimitutu i weleni, ma gehouna luaga i weleni, ma gehouna emoti i weleni; tauhi eamoha a ginouri i weleni hina dewaia; apoma tauna i witoutoumana nae.

16. Apoma a toupoula lawana taleni nimitutu i weleni, tauna i nae i louunehi, taleni nimitutu gehouhi gati tauna i tuhagaia.

17. Mei nakatouke gati taleni luaga uiahina, taleni luaga gehouhi gati i tuhagaia.

18. Ma tauna taleni emoti uiahina, tauna i nae heipuli i halaia, tauna a taniwaga a ario i goadi.

19. Didibala magoma-

gouna amaka hi kokoe, apoma geka toupoula lawana a taniwaga amaka i nei, tauna a ginouri uiahihi i laubaeadehi.

20. Tauna taleni nimitutu uiahina i nei, taleni nimitutu gehouhi i neiai, tauna i pa, Guiau e, taleni nimitutu tam u weleu; geka, taleni nimitutu gehouhi amaka a tuhagaia.

21. Apoma a taniwaga uiahina i pa, I dewadewa, toupoula lawana dewadewana e, om dewa i hagi, ginouri eega i ta maga tam u dewaimahiehi, tau tam apo a bahem ginouri magomagouna u nai taniwaganehi; tam una geletai om taniwaga ana anikaoha uiahina.

22. Tauna gati taleni luaga uiahina i nei, tauna i pa, Guiau e, taleni luaga tam u weleu; geka, taleni luaga gehouhi amaka a tuhagaia.

23. Apoma a taniwaga uiahina i baha, I dewadewa, toupoula lawana dewadewana e, om dewa i hagi, ginouri eega i ta maga u dewaimahiehi, tau tam a bahem ginouri magomagouna una i taniwaganehi, tam una geletai om taniwaga ana anikaoha uiahina.

24. Gehouna gati taleni emoti uiahina i nei, tauna i baha, Guiau e, tau amaka a hanapugem, tam lawa wihini-dodora dobuna sitona ega u ta laiholi uiahina u amboribori, dobuna gati eega ginouri u ta leinohanohaia uiahina ginouri u upuupumi;

25. Beinei a matouta, po a nae om taleni hau heipuli a goadi; geka, om ginouri.

26. Apoma a taniwaga i baha, uiahina i pa, toupoula lawana apapoena e, ma meme hota, amaka u hanapugeu dobuna sitona eega a ta laiholi uiahina a amboribori, ma dobuna ginouri eega a ta leinohanohaia uiahina ginouri a upuupumi;

27. Ma geka i dewadewa ou ario toulouune lawahi u ta welehi, po tau a ta nei po ou ginouri a ta waia ma a meihana gati.

28. Geka, taumi taleni uiahina ona haloia, ma tauna taleni nima luaga hi tutu uiahina ona weleni.

29. Tapa lawa ginouri uiahina, apo ina benena po a ginouri hina maga; ma lawa

eega a ginouri ginouri uiahi-na apo ina haloia.

30. Taumi toupoula apapoena ona wiagahopuneni ouputa, hau didibala uiahina, apo ina tou ma niuwona ina amhanagidiana.

¶ 31. Apo lawa Natuna ina hopu mai a maninina, ma aneru woiawa boruhi meitehi, apoma ana animae woiawa uiahina ina tugula;

32. Dobu magomagouna ou nona apo hina omboina; apoma tauna tauhi hina gahaia, mei mamoe tougalenaitete lawana tauna mamoe ma nani hi gahaia;

33. Tauna mamoe ou tupo hinebawana, ma nani ou tupo kehakehana.

34. Wasawasana lawahi ou tupo hinebawana apo ina bahanae uiahihi, Taumi onanei Amau tauna i luiawahimi, hougana heipuli eega i ta wawari, ma basileia iei dewaia apo ona waia;

35. Tapa tau a am hilage ma taumi aniani o weleu po a ani; iobobou gati i haleni, ma taumi goila o weleu po a umaia; tau mei lawa

tapuna, apoma o woimahieu.

36. Tau eega a ta ui gara, apoma o uiluiou garagei ; a totogo, apoma o dadaniu ; hoi numa pani a memae, apom o lia geleta ouiahiu.

37. Apoma dewa dumaru lawahi ouiahina hi baha mai, hi pa, Guiau e, meanai to galem u amhilage ma to ta ianim ? po iobobom i halea, ma to ta welem u ta uma ?

38. Meanai to galem u ta ui lawa tapuna, ma to ta woimahiem ? po eega u ta ui gara, ma to ta uiluinim garagei ?

39. Meanai to galem u totogo, po hoi numa pani, ma to ta dadanim ?

40. Apoma wasawasana i paha nae tauhi ouiahihi, i pa, Moina tau taumi ouiahihi a bahamahi, taumi amaka o dewaia walewalehiu geka tulahi habuluna ouiahina, nanaka tau ouiahiu o dewau.

41. Apoma tauna gati i bahanae tauhi nima ou kehahehana hi memae ouiahihi, i pa, Taumi apapoe lawami, onanae ou heia hoi maeau alalata tuetueinai, amaka i

wononogogeni diapolo ouiahina ma a aneru meitehi

42. Tapa tau am a hilage, ma ega eaniani o ta weleu a ta ani ; iobobou i halea, ma eega goila o ta weleu a ta uma ;

43. A uilawa tapuna, ma ega o ta woimahieu ; tau eega ou gara ma ega o ta uiluiou garagei ; a totogo, hoi numa pani gati a memae, ma ega o ta dadaniu.

44. Apoma tauhi tauna ouiahina hi baha mai, hi pa, Guiau e, meanai to ta galem u ta amhilage, po iobobom i ta halea, po u ta uilawa tapuna, po eega u ta uigara, po u ta totogo, po hoi numa pani u ta memae, ma ega to ta poupoulem tam ouiahim ?

45. Apoma tauna i bahanae tauhi ouiahihi, i pa, Moina tau taumi ouiahihi a bahamahi, taumi eega o ta dewaia tauhi geka tulahi habuluna ouiahina, nanaka tau ouiahiu eega o ta dewau

46. Tauhi naka apoma hi nae hoi hilage tuetueinai ; ma dewa dumaru lawahi hi nanae hoi luiagohana tuetueinai.

## UPUMANA 26.

1. IESU i bahabaha woloe, apoma ana aniatatiana lawahi ouiahihi i bahanae, i pa,

2. Taumi o galeni, ietai luaga hina gogoe, apoma pasova hougana, ouiahina lawa natuna ina welehi hina isatauroia.

3. Geka hougana kohena lawahi, ma toumgiruma lawahi, ma toulalai gati himboina kohena wotalagae badana ana ou numa, goana Kaiapa ;

4. Tauhi moru dewana hi babanieni, po Iesu hina uni, po hina uni hilageia.

5. Tauhi hi pa, apega hoi toleha hougana hina uni, ma apo dobuna hina lougagali

¶ 6. Iesu hoi Betania, Simona lepera ana ou numa i memae,

7. Apoma wawine geha i nei tauna ouiahina ma alabata ilena i waia, ouhinena bunama dimumuna meihana baneina, tauna i hiuogi Iesu ou unununa, ma tauna e lou-tetera e mam

8. Tauhi ana aniatatiana

lawahi hi galeni, apoma uiohi hi gigai, tauhi hi pa, Awaka ginourina i lounohaeta ?

9. Tauna bunama dimumuna i ta louunea, apo meihana baneina i ta waia, po higohigoe lawahi i ta benehi.

10. Iesu i nouori, apona tauna i bahanae tauhi ouiahihi, i pa, Taumi awaka wawinena o ihinigali ? tauna dewa dewadewana geka, i dewau.

11. Tapa higohigoe lawahi meitehi apo ona memae, ma tau apega ta memae.

12. Tauna geka bunama dimumuna ou hiniu i hiuogi, tau ou gului wōnonogona.

13. Moina tau taumi ouiahihi a bahamahi, dobu magomagouna ou heipuli, geka noea dewadewana hina ipaliwelena, wawinena gati geka ginourina i dewaia apo ina baheni, tauna ani nugotuhuna.

¶ 14. Apoma nima luaga hi tutu po luaga tulahi gehouna goana Iuda Isakariota i nena kohena wotalagae lawahi ouiahihi

15. I bahanae, i pa, Ginouri awai apo ona weleu.

apoma tauna a moruia po a welemi? Tauhi mone oloto emoti i hilage po nimaluaga hi tutu apoma hi weleni tauna ouiahina.

16. Ouiahinei tauna i nugonugotuhu, hougana awai apoma Iesu ina moruia.

¶ 17. Areto ega anilihanana tolehana ietana iei houni i geleta, aniatatiana lawahi hi nei Iesu ouiahina, hi pa, Mekahota apo to nae, pasova to uohalea tam apo unani?

18. Tauna i bahanae, i pa, Onanae ou meagai, lawa gehouna ouiahina ona pa, Touiatatiana i bahamai i pa, ou houga amaka a tahi i kuku; tam om ou numa pasova to ani, ou aniatatiana lawahi meitehi.

19. Aniatatiana lawahi hi dewaia mei Iesu i baheni, pasova hi wononogogeni.

¶ 20. Oubigai apoma tauna i loutetera po i am, nimaluaga hi tutu po luaga meiteihi.

21. Tauhi he mam, apoma tauna i bahanae, i pa, Moina tau taumi a bahamahi, taumi

tulami gehouna apo ina morue.

22. Apoma tauhi hi goholihi, tauhi eamoha a baha, tauna hi laulaubaeadeni, Guiau e, apo tau heiaha?

23. Apoma tauna i bahanae, i pa, gehouna apo nimana ma tau nimau meitehi to uioligogona hoi gaeba, tauna naka apo ina morue.

24. Lawa natuna apo ina nae mei ouiahina hi giruma; ma tauna Lawa natuna toumoruia geihoni tauna! tapa tauna eega i ta guni apo i ta dewadewa.

25. Apoma Iuda toumoruina i baha mai, i pa, Rabi e, apo tau heiaha? apoma Iesu i bahanae tauna ouiahina, i pa, E, apomawai.

¶ 26. Tauhi he mam, Iesu areto i waia, i mamari, apoma i tomtomia ana aniatatiana lawahi i benehi, tauna i pa, Ona waia po onam; tau hiniu geke

27. Ledu gati tauna i waia, i mamari, apoma tauhi ouiahihi i benehi, tauna i pa, Taumi magomagoumi ouiahina ona uma;



28. Tau geka talau, baha wouna talana, i louhiuogeni lawa magomagouhi oubeihi, po hai apapoe ina paligigiri.

29. Tau gati a bahamahi taumi ouiahimi, geka vine ugonā a pēga a nouma meme, eohora hougana uaina wouna apo taumi meitemi ta nouma gogona Amau ana ou basileia ouiahina

30. Tauhi hi rourougo woloe, apoma hi nae ou Oliveta oeana.

¶ 31. Iesu i bahanae tauhi ouiahihi, i pa, Taumi magomagoumi apo geka eididipalana ona guliguli pahimi tau beugei; mei hi giruma behe, Mamoe tougalenaitete apo a godili, apoma mamoe hina nohanohamehi.

32. Ma apo a toworo meme, apoma a tahaealauinimi ou Galilaia.

33. Apoma Petero i bahamai tauna ouiahina, i pa, Lawa magomagouhi oubeim hina guliguli pahihi, ma tau apegawai.

34. Iesu i bahanae tauna ouiahina, Moina tau a bahamahi tam ouiahim, geka eidi-

dipalana kekeleko a pēga hina tou, ma tam maratonuga apo una bouieu.

35. Ma Petero i bahanae tauna ouiahina, i pa, Tau tam meiteka ta hilage, tau a pēga a bouiem. Aniatatiana magomagouhi gati nokapehe hi baha.

¶ 36. Apoma Iesu ma tauhi meitehi hi gereta ou dobuna goana Getesemani; tauna aniatatiana lawahi ouiahihi i bahanae, i pa, kahotanana ona memae, ma tau a tunae nokahota a loupali.

37. Tauna ma Petero ma Sebetaio natunatuna luaga meitehi, apoma tauna i weiuā po i nugodubu.

38. Tauna i bahanae tauhi ouiahihi, i pa, Nugonugou i weiuā i nae po a hilage; taumi kahota ona memae, ma ta neiau meitemi.

39. Tauna i dulianaē, apoma tauna i guli po i loupali, tauna i pa, Amau e, toumawa ioaka, geka leduna ouiahiu unaneieni ou heia; ma tau a louhotaleni hawena, tam u louhotaleni ina waia.

40. Tauna i nememai, tauhi tauna i tuhagahi, amaka hi eno, apoma tauna i bahanae Petero ouiahina, i pa, nana-kapehe taumi o tapia po eega taneiau gogona meiteu hoi didipala tupona emoti?

41. Taumi oneiau ma ona loupali, ma apo loudadani ina geretai taumi ouiahimi; nugomi hi waia, ma hinimi hi tapia.

42. Tauna inememe mara luaga, i loupali, i pa, Amau e, apo geke leduna ouiahiu eega u ta neieni ouheia po a noumaia, tam u louhogaleni ina waia.

43. Tauna i nememai, po i tuhagahi, amaka hi eno meme; tapa tauhi matahi hi bota.

44. Tauna gati inehalehi, tauna inememe e loupali, maratonuga geke, baha emotana eawa i baheni.

45. Tauna i nememai ana aniatatiana lawahi ouiahihi, tauna ouiahihi i bahanae, i pa, Amaka oneno, ona iagohimi; amaka didipala tupona a tahi i kuku, ouiahina Lawa natuna hina moruia lawa apa-poehi ounimahiei.

46. Ona toworo ta nae; tauna toumorue amaka ina geretai.

¶ 47. Tauna eohola e bahabaha, apoma Iuda i gereta, tauna nimaluaga hi tutu po luaga tulahi, patala baneina tauna meitehi hi nei, gohena wotalagae lawahi, ma toulalai gati, eamoha a guatiguati ma a bewahi.

48. Toumoru lawana gati hibohibona i baheni tauhi ouiahihi, i pa, apo tauna a eagoni, nanaka tauna; apoma ona womomota.

49. Tauna apoma i geretai Iesu ouiahina, i bahamai, i pa, Rabi e, teinani; apoma tauna i agoni.

50. Iesu i bahanae tauna ouiahina, i pa, Haiei, awai beinei u nei? apoma tauhi, hi nei, nimahi Iesu ouiahina hi wogonae, po tauna hi womomota.

51. Iesu tulana gehouna, a guatiguati i holi, kohena badana a toupoula lawana i launi, po tauna tanigana i taloutuia.

52. Iesu i bahanae tauna ouiahina, Tam om guatiguati

ana ouanihouna una houni, tauhi guatiguati touinina, hoi guatiguati gati apo hina hilage.

53. Tam u pa, apega Amau ouiahina a ta loupali, po aneru magomagouhi i ta himilihi, legeona nimaluaga hi tutu po luaga hi ta lagonihi?

54. Apoma giruma bahahi i owaga apo ina lougereteia, i dewadewa ginourihina lougeleteia?

55. Tauna didipalana ouiahina, Iesu i bahanae patala baneina ouiahihi, i pa, Taumi o nei ouiahiu a guatiguatimi, ma a bewami mei tau tounhalohalo lawana pehe heiaha? tau taumi meitemi hoi numa dalapu ta memae ma aiatatiemi hauga magomagouna, ma eega o ta uniu.

56. Geka ginouri magomagouna i wawara, po peroveta lawahi hai giruma hina lougeretei.

¶ 57. Iesu touinina tauna hi weluaia po Kaiapa kohena wotalagaena ouiahina hi neieni, tomgiruma lawahi ma toulalai himboina mai gati.

58. Petero tauna muliwahagei i nei kohena badana ana ou numa i gereta, tou-poula lawahi meitehi hi tugula, po bahana apo iowaka,

59. Kohena lawahi ma toulalaihina, ma Sunederi magomagouhi, touipenapenama koeakoeamahi hi peipeiheni, po Iesu hina uni;

60. Ma eega hi ta tuhagaia; touipenapenama magomagouhi hi liagereta, ma eega hi ta tuhagaia. Muliei touipenapenama koeakoeamahi lawa luaga, hi gereta, hi pa,

61. Geka lawana i baha mai i pa, Eaubada a numa dalapu apo a ta hoea, ma gehouna a ta wogoea hoi ietai tonuga.

62. Kohena badana apoma i toworo, tauna ouiahina i bahamai i pa, Tam awaka eega ponam? Geka lawahi hai baha ouiahim iowaka?

63. Ma Iesu eega i ta baha. Kohena badana apoma i bahamai tauna ouiahina, i pa, Tau a bahamahi tam ouiahim, Eaubada goanei ouiahihi una bahaguala, po tam Keriso Eaubada Natuna?

64. Apoma Iesu i bahanae tauna ouiahina, Tau geke; taumi gati ouiahimi a bahama. Apo muliei Lawa natuna ona galeni manini taniwagana ounima hinebawana apo ina tugula, eada earoiei gati apo ina hopu mai.

65. Apoma kohena badana a gara i loloia, tauna i pa, Tauna Eaubada i iapa-poia tauna bonanei; awai touipenapenamana ta peipeiha? amaka geke a baha apapoe Eaubada ouiahina o nonori.

66. Taumi iowaka? Tauhi apoma hi baha mai, hi pa, I dewadewa tauna ina hilage.

67. Tauhi tauna tepana apoma hi louhowaia, po tauna gati hi uilau, ma hi tutuia.

68. Tauhi hi bahamai, hi pa, Keriso e ouiahiai una bahamai, e iai i uilauim?

¶ 69. Petero numana outano i tuhutuhuna; apoma toupoula wawinena gehouna ouiahina i gereta, tauna i pa, Tam gati Iesu Galilaia lawana meitehi.

70. Apoma tauna i boui tauhi magomagouhi ounohi, tauna i pa, bahana u baheni a uinugoneneieni.

71. Tauna mateta ouputa i hopu, apoma toupoula wawinena gehouna i galenamai, a lawa ouiahihi i bahanae, i pa, Geke lawana gati Iesu Nasareta meitehi hi memae.

72. Apoma tauna i boui duma meme, Tau geke lawana eega a ta galeni.

73. Keikeinawa apoma toutowotoworo hi geretai, Petero ouiahina hi bahamai, Moina tam tauhi tulahi; tam om baha mei tauhi ponahi.

74. Apoma baha piko tauna i baheni, i pa, Naka lawana eega a ta hanapugeni. Apoma kekeleko hi tou.

75. Apoma Petero Iesu bahana i baheni tauna ouiahina nugonei i gae, Kekeleko abega hina tou, eohora maratonga una bouieu. Tauna i hopu po i tou lapatana.

#### UPUMANA 27.

1. AMAKA maritom, apoma kohena babadahi ma

toulalahi Iesu wogana hi talaia, po tauna hina uni ;

2. Tauna hi pani, apoma hi weluaia Ponotio Pilato ouiahina hi weleni.

¶ 3. Iuda i galeni, tauna i moruia, amaka hina uni, apoma nugonugona i buia ; mone oloto emoti i hilage po nimaluaga hi tutu i welenameni kohena lawahi ma toulalai lawahi ouiahihi.

4. Tauna i pa, Tau a apapoe, tauna eega ana apapoe a moruia eaka. Ma tauhi hi pa, Tauiai ei goe-goeawa naka heiaha? Tam toumawa.

5. Tauna apoma mone hoi numa dalapu i houni, po i nae ou heia ; tauna i nae po nugonei tounawa i take.

6. Kohena babadahi monena hi waia, tauhi hi pa, Apega geke monehi hina houni hoi gabora anihounana, tapa tala meihana eaka.

7. Tauhi hi ibabani, apoma tupola weduhi touginouri a dobu hi uneia po lawa tapuhi hai lai.

8. Ouiahinei geke dobu-na hi uigoaia hi pa, Tala

dobuna i nei po geke hou-gana.

9. Apoma perovetana Ieremia a baha i lougereteni, i pa, Tauhi mone oloto emoti i hilage po nima luaga hi tutu hi waia, tauna meihana i hiawi, Isaraela lawahi gehouhi hi baheni ;

10. Tupola leduhi touginori a dobu tauhi hi unea, mei Guiau tau ouiahiu i baheni.

¶ 11. Iesu bada ounona i toworo ; apoma badana Iesu i laubaeadeni, i pa, moina tam Iudea hai wasa-wasa heiaha? Iesu i bahanae i pa, E, tau geke.

12. Kohena lawahi ma toulalai tauna hipenapenameni, ma tauna eega ponana.

13. Apoma Pilato tauna ouiahina i pa, Tauhi baha magomagounei tam hipenapenamem amaka u nonori heiaha?

14. Ma tauna eega baha emoti ouiahina i ta bahanae ; apoma badana i amhuna.

¶ 15. Badana a dewa, toleha hougana, apoma pani-pani lawana gehouna tauhi he baheni, e hoea halea tauhi ouiahihi.

16. Geka hougana pani-pani lawana gehouna e me-mae goana Baraba, noeana i nae.

17. Tauna Pilato i baheni tauhi hi omboina ouiahihi, i pa, E iai o pa, apo a hoea taumi ouiahimi? apo Baraba? po Iesu goana Keriso heiaha?

18. Tapa tauna i hanapugeni tauhi hai ouamgenagenaliligei tauna hi weluaia.

19. Tauna hoi ataeatalai anitugulana i tugula, apoma agona a ligoligo bahana hi neiai, i pa, Dewa dumaru lawana naka apega una dewani, tapa amalai tauna a loubonieni, po a loughilage.

20. Kohena lawahi ma toulalai, patala baneina hi leihunahi, po hina pa, Baraba ina hoea, ma Iesu ina hilage.

21. Badana i bahanae tauhi ouiahihi, i pa, Tauhi geka hai luaga, apo e iai o pa, a hoea taumi ouiahimi? Tauhi hi pa, Baraba.

22. Pilato i bahanae tauhi ouiahihi, i pa, ma Iesu goana Keriso iowaka a dewani?

ma tauhi magomagouhi hi bahamai, hi pa, Tauna ina isatauroia.

23. Badana i bahanae i pa, Tauna apapoe awai i dewaia? Ma tauhi magomagouhi hi otu labatana hi pa, tauna hina isatauroia.

24. Pilato amaka i galeni, tauna ponana eega hi ta nonori, ma ouiahinei hi ototu labatana, apoma goila tauna i waia, po nimana i ogaia patala baneina ounohi, tauna i pa, Geka dewa dumaru lawana talana ouiahina ounimau eegawai; taumi toumiawa.

25. Lawa magomagouhi hi bahamai hi pa, Tauiai ma natunatuiai ou tepeiai geka lawana talana ina memae.

26. Apoma tauna Baraba i hoeahalea tauhi ouiahihi, tauna gati Iesu iei godili, apoma i welehi hina isatauroia.

¶ 27. Badana a touigauia lawahi Iesu hi weluaia po hineieni badana ana ounuma, apoma touigauia magomagouhi hi boinihi tauna ouiahina.

28. Tauhi tauna a gara hi lili, po gara kaeakaeanei tauna hi uilua.

29. A gunugorogoroa maeau waidonadonahiei hi uili, po outepana hi uinapaia ; tauna ounima hinebauana titiala hi houni ; tauhi tauna ounona eitutuhi hi toneni, tauhi tauna hi inameni, hi pa, Teinani, Iudea lawahi hai wasawasa !

30. Tauhi tauna hi hoia, apoma titiala hi waia po unununa hi kuapuia.

31. Tauhi tauna hi inameni woloe, apoma garana hi lilimea, ma tauna a lui-luigei hi uilua ; apoma tauna hi weluaia po hina isatauroia.

32. Tauhi hinenae, apoma Kurene lawana hi galeni, goana Simona tauna tauhi hi baheni, po a satauro ina awala.

33. Tauhi ou dobuna goana Golagota hi gereta, dobuna goana papana, keununu dobuna ;

34. Apoma tauhi tauna ouiahina vinega ma maeau uigora hi uilaia hi weleni ina

umaia ; tauna i umadadani po i uihingeigeieni.

35. Tauhi tauna hi isatauroia, apoma a gara hi gutaia keleroei ; po peroveta lawana a baha ina lougere-teni, Tauhi tau ou gara hi gutaia tauhi ouiahihi ; tau ou luitui keikeina gati hoi kelero hi gutaia.

36. Tauhi oudobuna hi memae tauna hina galenai-tete.

37. Tauhi ana apapoe giruma gati tauna unununa ou tepana hi houni, GEKA IESU, IUDEA LAWAHI HAI WASAWASA.

38. Tauna ma toumhalo-halo lawahi luaga meitehi hi uisatauroia, gehouna nima hinebawana outuponana ma gehouna nima kehakehanei.

39. Tauhi oudobuna henenae, baha apapoe tauna ouiahina hi bahabaha, ma ununuhi hi guatiguatiana,

40. Tauhi hi pa, Tam numa dalapu touhoena, ma ietai tonuga apoma u ginou-rameni, tam tounawam una luiawahenamem. Tapa tam

Eaubada natuna eaka, tam sataurogei una hopumai.

41. Nokapehenana gati Kohena lawahi, ma toumgi-ruma lawahi, ma toulalai tauna hi uinameni, hi pa,

42. Tauna lawa gehouhi i luiawahihi, ma tauna eega i ta luiawahenameni; Tapa tauna Isaraela hai vasavasa eaka, tauna sataurogei ina hopumai atanima, apoma ta pa, moina tauna.

43. Tauna Eaubada itou-maganeni, ma tauna i ta nei po i ta luiawahi, po tauna i ta nugonugonea; tapa tauna i pa, Tau geke Eau-bada natuna.

44. Toumhalohalo lawahi gati nokapehe hi uinameni tauna meitehi hi isatauroia.

¶ 45. Hawatana nimitutu po emoti ouiahina i wawara, i nae po nimitutu po wohepali, dobuna i uididipala.

46. Hawatana nimitutu po wohepali ina gereta, apoma Iesu i otu labatana, tauna i pa, Eloi, Eloi, lama saba-tani? baha anona geke, Tau ou Eaubada e, ou Eaubada, tam awaka tau u palihaleu?

47. Tauhi he towotoworo hi nonori, apoma hi pa, geke lawana Elia ouiahina i otu.

48. Tauhi tulahi gehouna i pulili, po paloi i waia, po hoi vinega i leinigi, maeau oumoeana i houni po i weleni tauna ina uma.

49. Tauhi magomagohi hi pa, amaka ina memae, po ta galeni, po Elia apo ina nei po tauna ina luiawahi.

50. Iesu i otu labatana meme, apoma alugona i ta-pehaleni.

51. Gara numa dalapu lipuna amaka i loloia tepanei i nei po ou papana; heipuli gati i iguhuguhu po tapata-pana hi gunagunahaia;

52. Gogoaga hi hoehoea, lawa woiawa hinihi hi eneno, amaka hi toworomehi.

53. Tauhi hi toworo wo-loe, apoma hai ougogoagei hi nei po hoi meagai woiawa, lawa magomagouhi tauhi hi galehi.

54. Oloto nimitutu hi hilage hai bada ma gehouhi meitehi Iesu hi gagalenai-mahi, guhuguhuna ma ginouri magomagouna hi galeni,



apoma tauhi hi matouta, tauhi hi pa, Moina, tauna geke Eaubada natuna.

55. Wawine magomago- uhi ouheiei hi gagalena mai, tauhi Iesu Galilaiei i nei ma hi wotagoia, ma gati tauna hi poupouleni ;

56. Ouiahihi gati Maria Magadala, ma Maria Iakobo ma Iose hinahi, ma gati Sebedaio natunatuna hinahi.

¶ 57. Hoi ubigei, apoma gabora lawana gehouna i nei a dobu Arimataia, goana Iosepa, tauna gati Iesu a touhagu ;

58. Tauna Pilato ouiahi- na i nae, po Iesu hinina i laupalieni, apoma Pilato i pa, Iesu hinina ina weleni.

59. Hinina Iosepa i waia, po gara lino dewadewanei i humaia.

60. Tauna a gogoaga wo- una hoi tapatapana i halaia, ouiahina i houni ; gaima ba- neina gati i beuli po gogoaga ou gamona i houni, apoma tauna i nae.

61. Maria Magadala, ma Maria gehouna ouiahina he

memae, gogoaga ou lialiana hi tuhutuhuna.

¶ 62. Maratomtomgei, i- etana apo haumaratom wono- nogo ietana, Kohena lawahi ma parisea lawahi Pilato ou- iahina himboina.

63. Tauhi hi pa, Bada e, apoma nugoiei hi gae, loloa lawa koeakoeamana eohora eega i ta hilage ma tauna i pa, Ietai tonuga ina gogoe apoma a toworo meme.

64. Tam una baha po gogoaga gamonana hina gu- duia i nae po ietai tonuga hina gogoe, ma apo ana ani- atatiana lawahi hoi dipalei hina nae po hinina hina da- neneia, po tauhi patala ouia- hihi hina pa, Tauna hilagei i ta toworo meme ; apoma koeama muliei ina lata wa- haga, hoi koeama tahaeana.

65. Pilato tauhi ouiahihi i pa, amaka tougalenaitete ouiahimi, taumi toumiawa gogoagana ona guduia.

66. Tauhi apoma hi nae, gogoagana hi guduia, po gaima baneina ouiakina hi wekiwekilaneia, po lawa gati hi memae po hina ga- lenaitete.

## UPUMANA 28.

1. SABATI i gogoe, sabati gaogaona ietana iei houni maratomtoge, Maria Magadala, ma Maria gehouna hi nae gogoaga he galeni.

2. Guhuguahu baneina apoma i wawara; Eaubada a aneru eadei i hopu mai eaka, tauna i nae po gaima gogoaga ougamona i beulineieni ou heia, po outepana i tuhutuhuna.

3. Tauna tebana mei namanamari, tauna a gara gati i wakeke po mei kiona;

4. Tauhi tauna tougalenaitete amaka hi matouta po hi tatawa, po mei hina hila-hilage.

5. Aneruna apoma i bahanae wawinehi ouiahihi, i pa, Taumi omi luaga eega ona matouta, tau amaka a hanapukemi Iesu hi isatauroia o beibeiheni.

6. Tauna gahotanana eegawai; tauna i toworo meme, mei tauna i baha behe. Taumi onanei Guiiau ana anihouna ona galeni.

7. Taumi ona pulili, ona

nae ana aniatatiana lawahi ouiahihi ona paliwelehi, tauna hilagei i toworo meme; taumi omi luaga, apo tauna ina itahaeami ou Galilaia, nokahotanana apo ona galeni, amaka naka ouiahihi a baha.

8. Apoma tauhi gogoagei hi nae, hi matouta ma gati hi gaoha labatana, hi pulili ana aniatatiana he paliwelehi.

9. Tauhi hai luaga hi nae ana aniatatiana he paliwelehi, apoma Iesu hinehagaia, tauna i pa, Teinani. Tauhi apoma hi nei po ouaena hi wogonae, ma tauna ouiahina hi bolou.

10. Iesu tauhi hai luaga ouiahihi i bahanae, i pa, Eega ona matouta; amaka onanae, tau walewalehiu ona paliwelehi, tauhi hina nae ou Galilaia ouiahinei hina galeu.

¶ 11. Hailuaga hi nae; gogoaga tougalenaitate gehouhi hi nae umeagai, kohena babadahi ouiahihi ginourina i wawara hi paliwelehi.

12. Apoma tauhi hi omboina toulalai meitehi, hi uibabani, apoma mone ma-

gomagouna tauhi touigauia  
ouiahihi hi benehi,

13. Tauhi hi pa, Apo ona  
bahabahanae, ona pa, Tauiai  
dipalei to eno ma tauna ana  
aniatatiana lawahi hi nei, po  
tauna hi daneneia.

14. Tapa bada ina nonori,  
apoma nugonugona to pali-  
hegohegoeia, apoma ona  
dewadewa.

15. Tauhi mone hi waia,  
apoma hi dewaia mei tauhi  
hi baheni; apoma bahana i  
lata Iudea lawahi ouiahihi, i  
nei po geka hougana.

¶ 16. Aniatatiana nimalu-  
aga hi tutu po emoti hi nae  
ou Galilaia, ouoena Iesu i  
baheni tauhi ouiahihi.

17. Tauhi tauna hi galeni,  
apoma hi bolou ouiahina;  
ma gehouhi hi uinugonene-  
ieni.

18. Iesu apoma i gereta,  
tauhi ouiahihi i bahanae, i  
pa, amak i weleu eada ma  
heipuli a uitaniwaganeni.

19. Taumi onanae, dobu  
magomagouna ouiahihi hina  
itulaniu, po onaibapatisohi  
Amana goanei, ma Natuna,  
ma Alugo Woiawa;

20. Taumi ona iatatiehi,  
po ginouri magomagouna a  
baheni taumi ouiahimi hina  
woimahi; ma gati apo ouia-  
himi a mae ietai magomago-  
una, i nae po heipuli tigana.  
Amen.

















